

ኦይትምሰባብ ጳውሎስታ እሪንዳ ክተና ቆርንቶስ ኤድንከሰካንታ እርድንታ

ጳውሎስ ቆርንቶስ ኤድንከሰካንታ ክት ጸፍሳንዳ እሪንዳ ክተና ጸፍምሳንዳ ቆርንቶስ ካተመናር ይ ዋይሰሳን ምክሰ ኤሄናር ክርሰቶሳር እሚንድባብከሰታ እሚንንሳካ እምሳን ማጠን ዋይሰዘድንደታ ጎግ ዐፍሰካንታ ገቅርኬ። ኮታይካ ቆርንቶስ ካተመና ፍጫ ሙደን የጃን ግርክ ፍጨንታ ካተማ ማትንዘንከረ ሰግሰሶ ሮማ ባንቶን ቆልድን አካያ ጋይምድን ፍጨንታ ኤሰምሳን ካተማ ዐቁ። ናኮና ካተመና ዛልእ ፍክሰንካ እንድር ማቻንዳ፣ ዳቅሳን ዋገካ፣ እንድር ዳልግዘን ደቅድን ይተና ኬታ ቦርሳንደትኬ ዐክ ዐክ ጎይንንከሰታ በድምካ ኤሰምሳንዳ ና ዐቁ።

ኖ ኦይትምሰባብረ ማለካ ክት ኬዛካንታ ዝግዛንዳ ምክሰ ኤሄናር ደቅድን ፋሰምንሳካ፣ ዳቅል ኬታ ይይተንሳካ፣ ቤልምንሳካ እንቸተኬ ይእምሳካ፣ ምክሰ ኤሄንታ ዋጋንሳካ፣ አያን ጭልንታ እምንተንከሰንኬ ደእናርንካ እምንተንሳካ ዐቁ። ኮትኮግንደረ ኖ ኦይትምሰባብ ክላ ኬዘንታ ቃለን ከትኬና ኦይሰንከዘን ማለካ ኤግዘምሶ ኬዘዴ።

(ሶልማ) ሳብ ዋርሰንካንታ እምሳን እምንተንከዘንካ ሰግ ማትንተን መያ ማዘድንዳ ታሜከ ማክምሰ የድና ኮ ማጸፍናር እንድር ኤሰምሳን ካሪ ማቻንዳ ኤሰምዴ።

ማጻፍን ኮትኮታ ሙዳ የድንተና

እርድንታ (1:1-9)

እሚንድባብከሰታ ዎክያር እምሳን ፋሰምና (1:10—4:21)

ዳቅል ኬታ ፍክሰንከ ኤሀ ኤድንከሰታ ደቅንት (5:1—7:40)

እሚንድባብከሰኬ እሚንዳክን ኤድንከሰካ። (8:1—11:1)

ምክሰ ኤሄንታ ደቅንተኬ ጎይንንታ ዋጋ (11:2—14:40)

ክርሰቶስተኬ እሚንድባብከሰታ ደእናርንካ እምንተና (15:1-58)

ይሁዳ ፍጨናር ደቅድን ማጠርሰባብ አመንድንባብከሰካንታ አላ (16:1-4)

በእንታ ኬዛ (16:5-24)

1 ሳብታ ጋይተካ የሱስ ክርስቶስታ ኦይትምሰባብ ማትካንታ ኤልምሰባብ ጳውሎስዘንኬ ዋንታ እስመን ሶስተንዘንካ፤

2 ቆርንቶስ ካተማር ዐፈርድን ሳብታ ምክስ ኤሄን ኮታ ዋረረ ክርስቶስ የሱስካ ጭልምስ ባብከሰካንተኬ ሳብካንታ ፋስምሰባብ ኬት ማተርንግንዳ ኤልምሰባብከሰካንታ፡ ኮግንደረ ካሪ ሙደናር ከትካንተኬ ዋካንታ ጮይሶ ማቕባብ ዋንታ ጮይሶን የሱስ ክርስቶስታ ላምን ኤልድባብከሰካንታ ሙዳ፡

3 ዋንታ ባቤን ሳብዘንከ ጮይሶ የሱስ ክርስቶስዘንካ ዉቕ እምንተኬ ሳራትቼንካ የካንታ ማታ።

ጋለት ሳብካንታ

4 የሱስ ክርስቶስካ ይንታ ዉቕ እምንተን የካንታ እምሳንካንታ የካካ ሙዳዐይካ እስታ ሳብንም ጋለድቴ።

5 ሙዳ ርይካ ኬዘከረ ማታ ኤስከረ ክርስቶሳር ቆልተቴ።

6 ኮነረ ማቻንዳ ክርስቶስካካ ዋ የካንታ ኬዛንዳ ማርካትቼና የንደር ዳቅቴ።

7 ኮካንታ ዋንታ ጮይሶን የሱስ ክርስቶስታ መያ ማትንተን ሱካካ ካርሰረቶ የ ዶቅድንካ ዐረሰነረ እያንታ እምንተና የንዘንካ ዘገራዬ።

8 ዋንታ ጮይሶን የሱስ ክርስቶስታ ቃስትምስ ዐድንተካ ይንኤርም ካይሳ ማትሶቶ የ ዐፈርተርን ግንዳ ኖ በእንታ የለልታ ዳቅሶ የ ዶቅተርንግንዳ ይይተሬ።

9 ክታ ይንቶን ዋንታ ጮይሶን የሱስ ክርስቶስካ ክክን ዋልቃትቶ የንታ ዶቅተርንግንዳ የም ኤልሰባብ ሳብና አሜንምሰባቤ።

አሜንድባብከሰታ ዋክያር ማቻን ፋስም

10 እስታ እስመንከሰኬ ምቕንንከሶ! “ፋስም የንታ ዋክያር ዐይ ዶቃ፡ የታ ሙደነረ ክክ ኤእስቶ ዋልቃ ኬዘኬ ዋልቃ ገቅርካ ዳቅሶ ዶእከቴ” ጋይሶቶ ዋንታ ጮይሶን የሱስ ክርስቶስታ ላምካ የም ምግዝድቴ።

11 እስታ እስመንከሰኬ ምቕንንከሶ! የንታ ዋክያር ዋጭማ ዶቅድንደትም ቀሎኤታ * ኤር ኤድን ኬዘንካ እታ ኤሰርትቴ።

12 ኮነረ የታ ዋልቃ ዋልቀንከሰ “እታ ጳውሎስትተ፡ እታ እጽሎስትቴ፡ እታ ጴጥሮስትቴ፡ እታ ክርስቶስትቴ” የታ ጋይደቴ።

* 1:11 ቃለዋ ጋይድንዳ ኤተን ማኔ 1:12 ኦይት. ፍ. 18:24።

13 ይና ክርስቶስ ፋሰምቶ? ጳውሎስ የካንታ ሮክሮምቶ? ኦና የ ሰኤርሳንዳ ጳውሎስታ ላምኮ?

14 እታ ቃርሰጸሰምኬ ጋዮሰዘንካ ኡብ ዐይመሰነረ እ ሰእሳክንንካ ሳብም ጋለድቴ።

15 ኮካንታ “እ ጳውሎስታ ላምካ ሰኤርትቴ” ጋይሶ ኬዝድባብ ዐየሰነረ ካዬ።

16 (ገታ ማቼ፤ እሰጥፋኖሰታ ኤር ኤድንም ሰእሰትቴ፤ ኬት ከነዘንካ ኡብ እ ሰእሰባብ ኤድ ዶቅዴ ጋይሰቶ ገቀራይቴ።)

17 ክርስቶስ እም ኦይቻንዳ ክላ ኬዘንም ኤሰዘድንግንዳ ዳት እ ሰእዘድንግንዳ ካዬ፤ ክርስቶስታ ማዘቀልና ዉቕ ማትሶ ነግዳክንግንዳ ክላ ኬዘንም እ ኤሰዘድንዳ ኤታ ኤረዘንካ ዐፈርሳን ኬዘካ ካዬ።

ክርስቶስ ሳብታ ኤረኬ ዎልቃ ማትንተና

18 ማዘቀልንታ ቃለና ካይድን ኤድንከሰካንታ ዳቕርምግንዳ ፋይድምዴ፤ ዎ እቅድባብከሰካንታ ማቼ ሳብታ ዎልቄ።

19 “ኤረንባብከሰታ ኤረንም እታ ካይዘድቴ፤

በድ ኤዘድባብከሰታ ኤሰንም ቦዘድቴ” ጋይምሶ ጸፍምቴ።

20 ይና ኤረንባብ ዐብረረ? በድ ኤዘድባብረ ዐብረረ? ኮ ፍጫሙደንታ ፍዘንም ሙዳ ኤሰካንታ ዘግድባብከሰ ዐብረረ? ሳብ ኮ ፍጫሙደንዘን ኤጨንም ዳቻ ማሳክዮ?

21 ኮ ፍጫሙደንታ ኤድንከሰ ይንታ ገታ ኤጨንካ ሳብም ኤሰካንታ ከት ማዳክንግንዳ ሳብ ይንታ ኤጨንካ ከታዘን ዝጨ፤ ኬዘር ማቼ ዳቕርምግንዳ ፋይድምድንዳ ዎ ኤሰዘድን ክላ ኬዘንካ እሜንድባብከሰም እቅሰካንታ ሳብታ ጋይተና ማቴ።

22 እይሁድንከሰ አተንም ሰድካንታ ዝግደኬ፤ ግርክ ኤድንከሰ እና ኤጨንም ዝግደኬ።

23 ዎታ ማቼ ክርስቶስ ዎካንታ ሮክሮምሳንደትም ኤሰዘድቴ፤ ኮነረ እይሁድንከሰካንታ ጎሄ፤ ግርክ ኤድንከሰካንታ ዳቕርዬ።

24 ኤልምሰባብከሰካንታ ማቼ እይሁድን ከሰካንተረ ማታ ግርክ ኤድንከሰካንታ፤ ክርስቶስ ሳብታ ዎልቀኬ ሳብታ ኤጨ።

25 ሳብታ ዳቕርዬ ጋይምሶ ገቅርምድንዳ ኤታ ኤጨንዘንካ ሰገዴ፤ ሳብታ ጋፍርዬ ጋይምሶ ገቅርምድንዳ ኤታ ዎልቀዘንከረ ሰገዴ።

1:14 ኦይት. ፍ. 18:8፤ 19:29፤ ሮማ 16:23። 1:16 1 ቆር. 16:15።

1:19 ኢሳ. 9:14። 1:20 ኢዮብ 12:17፤ ኢሳ. 19:12፤ 33:18፤ 44:25።

26 እስታ እስመንከሰኬ ምቹነንከሶ! ሳብ የም ኤና ኤልድናይካ ዐራ ግንዳ ኤድ የ ዐቃናንከረ ገቀርከቲ፥ ኤታ ገቀርግንዳ የንታ ዎክያርንካ በድንከሰ ኤጨንከሰ ናንከረ ዳቅመንከሰ እነረ እንድር ኤድንከሰ ካያ ዐቃኬ።

27 ኬዛር ማቼ ሳብ ኤጨን ባብከሰም ኦሰንሰካንታ ፍጫሙደንዘን ዳቻግንዳ ፋይድምድባብ ኤድንከሰም እጁ፥ ዳቅመን ከሰመረ ኦሰንሰካንታ ፍጫሙደንዘን ጋፍሰ ባብከሰግንዳ ፋይድምድባብከሰም እጁ።

28 ሳብ ፍጫ ሙደን ኤድንከዝደር ዶቅዴ ጋይምሶ ዐፈርድን ሪንከሰ ኬትም ካያ ግንዳ ማሰካንታ ፍጫሙደንዘን ኦሰንሰካንታምኬ ቶቶምሳንደትም ሪይካንታ ካምሶ ዐፈርዳክን ሪም እጁ።

29 ኮመረ ክት ይሳንዳ ዐየሰነረ ኤድ ሳብታ እሪ ጩቅዳክን ግንዴ።

30 የም ማቼ ሳብ የሱሰ ክርሰቶሰካ ክክን ዋልቃትቶ የካንታ ዶቅተርንግንዳ ይሴ፥ ኮካንታ ሳብ የሱሰ ክርሰቶሰም ዎንታ ኤጫ፥ ዎንታ ጭልም፥ ዎንታ ሳብካንታ ፋሰምንኬ ዎንታ ቆትማ ክት ማድን ግንዴ ይሴ።

31 ኮነረ “ጩቅድባብ ጮይሰካ ጩቃ” ጋይምሶ ማጽፍናር ጸፍምሳንግንዴ።

2

ሮከርምሰባብ ክርሰቶሰካ ኤሰሰ

1 እስታ እስመንከሰኬ ምቹነንከሶ! እታ የንደር እ ዐቃንደትካ ሳብታ እቶምሳን ዶፈን ማቻን እ ማርከርሳንዳ * ኬዘታ ኤሰም እዘንካ ዉቸርቶ ኤጨም ሰቶካ ካዬ።

2 የንካ ክክን እ ዐቃንደትካ የሱሰ ክርሰቶሰ ማዝቀልዘን ሮከርሶ ክታ ደእንዘንካ አብ ዐረሰነረ ር ኤሳይቲ ጋይትት ዶቆ።

3 ኮካንታ የንካ ክክን እ ዐቃንደትካ ጋፍካ ጳሰኬ በድ ጭጭካ ዐቃቲ።

4 እስታ ኬዘንኬ ሳባክንካ ኤድካንታ እምምሳን ኤጨኬ ኬዘም ኡርሰካ ማታክዶቆ ሳብታ እያንካ ዎልቀንም መያ ማሰካ ዐቁ።

1:31 ኤር. 9:24። * 2:1 ሳብካ ማርከር- ዋልቃ ዋልቃ እር እ ከሰ ሳብካ እቶምሳን ኤሰሰ ጋይደኬ።

5 ኮመረ እ ይሳንዳ የንታ አሜንና ኤታ ኤጨታዘን የድምሳንዳ ማታክናና ሳብታ ዋልቀካ ገክንምሳንዳ ማድንግንዴ።

ሳብታ ኤጨና

6 ኬዛር ማቼ አያናር ዶቅንትካ ኡሰባብከሰካንታ ኤጨ ኬዘንም ኬዘዶቲ፥ ማታጋካ ዳት ዋከዘድንዳ ኮ ፍጫሙደንታ ኤጨንናንከረ ኬታ በእነተና ካይንታ ማድንደትም ኮ ፍጫሙደንዘን ቆልድባብከሰታ ኤጨንም ካዬ።

7 ዋ ኬዘድንዳ ማቼ ሳብ እሪምሶ ኤና ሰለንከሰታ እሪ ዋንታ ቦንቼንካንታ ግግሳንደትምኬ አችምሶ ዐቃንደትም ሳብታ አችምሳን ኤጨንሜ።

8 ኮፍጫ ሙደን ቆልድባብከሰታ ዋክያርንካ ኮ ኤጨን ኤሰባብ ዐየንረ ካዬ፥ ክትም ከታ ይ ኤሰተሰናንካ ቦንቻ ጮይሰንም ርክተራከክ ዶቆ።

9 ማታጋካ ዳት ማጻፍና፥
“ኤታ አፍይ ሰዳክንደትም፤
ኤታ ቃምይ ኤሰራክንደትም፤
ኤታ ቡዳ ገቀራክን፤
ሳብ ይ ሶልምድባብከሰካንታ ግግሰቴ” ጋይዴ።

10 ዋካንታ ማቼ ሳብ ይንታ አያንንሳካ ይንታ አችምሳንደትም ዋካንታ መያ ማሰቴ፥ ሳብታ አያንና መያ ማዳክንደትም ሳብታ አችምሳንደትም ዋራ ነጋክናና ሙዳ ርም ፋሰት ኤዘዴ።

11 ኤድሳካ ማቻንዳ ማቼ ክታ ዶቅድን አያንንዘንካ አብ ክታር ዶቅድን ገቅርን ኤዘድባብ ዐይራ? ኮትኮግንደረ ሳብታ አያንዘንካ አብ ሳብታ ገቅርን ኤዘድባብ ዐየንረ ካዬ።

12 ሳብዘንካ ዉችኩን ዋካንታ እምምሳንደት ርም ዋ ኤዘድንግንዳ ሳብታ አያንን ዳት ኮ ፍጫሙደንታ አያንን ተያኮቴ።

13 ኮካንታ ዋታ አያንንታ ሪን አያንክንባብ ኤድንከሰካንታ ዋ ኤሰዘድንዳ ኤድዘንካ ዐፈርድን ኤጨካ ማታክናና ሳብታ አያንዘንካ ዐፈርድን ኤጨኬ።

14 ሳብታ አያንይ ካየንባብ ዋሂክንባብ ኤድ ማቼ ሳብታ አያንዘንካ እምምድን እምንተንከሰም ተይ ካንታ ማታዬ። እምንተንታ እንድርትችና ሰድምድንደና አያናር ማቻን ጎግካ ገቀርት ተይካንታ ኖ ማታዬ፥ ኮትኮግንደረ ኮና ክትካንታ ዳቸርም ካምሶ ዐፈርዴ።

15 ሳብታ ኢየሱስ ደቅድባብ ማቼ ሙዳ ርም ሰድካንታ ማዴ፥
ኖይንታ ማታርንካ ማቼ ዐየንከረ ሰድምዳክዬ።

16 ኮነረ፡-

“ጮይሰታ ገቅርን ዐይ ኤሰካንታ ማዳ?
ክትም ዘራካንታ ማድባብ ዐይፎ?” ጋይምሶ ጸፍምሳን ግንዴ።
ዋካንታ ማቼ ክርስቶስታ ቡዳ ዋንታ ዋር ደቅዴ።

3

ዎታ ሙደና ሳብታ ፍክሰንባብ ዋንታ ማትንተንታ

1 እስታ እስመንከሰኬ ምቕንንከሶ! እ የም ኤሰዝድንካ
ዋሄክንባብኬ ክርስቶሳር እክ የታ ዳቃክባብ ኡላ የ ማቻንግንዳ
ዳት ኢየንክንባብ የ ማቻንግንዳ ካዬ።

2 ዛብና እቕምን እጅዳክን ኡለንከሰግንዳ የ ማቻንካንታ እ
የም እቕሳንዳ ራጭ ዳት ዛብና እቕም ካዬ፥ ታ ማቼረ ዛብና
እቕም እቕካንታ ማዳክባበቴ።

3 የታ ታየረ እክ ዋሄክንባበቴ፥ ክክ ክክ የ ቀምሰምድን
ኦላርኬ የ በርምድንካ ዋሄክንባብ የንታ ማትንታ ካዮ? የ
ፍግዝድንደረ ኤታ መጣ ግንዳ ካዮ?

4 ዋልቃባብ “እታ ጳውሎስትቴ” አብነረ እና “እታ
እጽሎስትቴ” ጋይድንካ ኮ ፍጫሙደንዘን ኤታ መጠንግንዳ
የንታ ማትንተና ካዮ?

5 ይና እጽሎስ ዐራ? ጳውሎስረ ዐራ? ከታ የ
እሜንድንግንዳ ይሰባብ ፍክሰንባብከሰኬ፥ ከታ ዋልቃ ዋልቀና
ከት ፍግዝድንደረ ጮይሰ ዋልቃ ዋልቀን ከሰካንታ የቕሳን
ፍክሰንመ፥

6 እታ ኮርሳቴ፥ እጽሎስ ሎቃ ዋእሴ፥ ጋጽሰባብ ማቼ ሳብዬ።

7 ኮካንታ ፍክሰንታ ባቤና ማቕባብ ኮረንም ጋጽሰባብ ሳብ
ዳት ኮርሰባበረ ማታ ሎቀን ዋእሰባብ ዐረሰነረ ካዬ።

8 ኮርሰባበረ ማታ ሎቃ ዋእሰባብ ኬታ የከኬ፥ ዋልቃ
ዋልቀንከሰረ ይንታ ፍክሰንከካ ናክንም ተይተፎ።

9 ዎታ ሳብካንታ የካ ፍግዝድባብ ፍክሰንባቦቴ፥ የተረ ሳብታ
ዋን ዐምኬ ሳብታ ሰይን ኤሄቴ።

10 ሳብ እካንታ እምሳን እምንተንከካ ሰይን ኤሄንም ዋድባብ ሩርምባብ ግንዳ የድንም የጅቴ፥ አብነረ እ የጃን የድንታ ዘን ኤሄንም ዋዴ፥ ኬዛር ማቹ ዋልቃ ዋልቀና ኮታዘን ዐለሰግንዳ ይ ዋዳናንከረ ካርሰም ዝግዝዴ።

11 ዋልቃዲት የድምሳን የድንዘንካ አብ ዐየነረ አብ የድይ የድካንታ ማታዬ፤ ኮነረ የድና የሱሰ ክርሰቶሰዬ።

12 ኮ የድንዘን ዋርቀካ፥ እነረ ጋይካ ቦንቶምሳን ሰይንካ፥ እነረ ዐቀካ፥ ድረከረ ማታ ምሴካ ዋድባብ ዶቅሴ

13 ከትኬና ዋልቃ ዋልቃ ኤታ ፍክሰና መያ ማድንዳ ፍርደታ ሰጫ ዐዴ፥ ኮት ሰጨንካ ዋልቃ ዋልቃ ኤታ ፍክሰና ዐራ ግንዳ ናንከረ ኖሄካ ጳጭምሶ መያ ማዴ።

14 ዋልቃ ሰይን ኤሄንም ዋድባብ የድን ዘን ክት ፍክሳን ፍክሰና ኖሄካ ጳጭምሶ አትክሳ ዛብሶ ዋእሴ ኤሄንም ዋጅባብ ናክንም ይንታ ዐፍተፊ።

15 ክታ ፍክሰና ኖሄካ አትሶ ካይድባብ ሰይን ኤሄን ዋድንባብታ ናክና ክታዘንካ ነገዴ፥ ማታጋካ ዳት ኖይንታ ማታርንካ ኖሄታ ዋር ሰግሶ አታክ ዶቆ ነገድን ኤድግንዳ አቅድባብ ማተፊ።

16 ሳብታ ጭል ኤሀ የ ማቻንደትምኬ ሳብታ አያንና የንታዋር ዶቅድንደትም የታ ኤዘዳከቴ?

17 ይና ኤድ ሳብታ ጭል ኤሄን ካይሰሴ ሳብ ክትም ካይዘዴ፥ ሳብታ ጭል ኤሄና ጭልዬ፥ ኮነረ ጭል ኤሄና የተቴ።

18 ዐየነረ ይንታ ማተንም ዐይገሰሳ፥ ኮ ፍጫሙደንዘን ኤጨንካ ኤጨባብ ካምሶ የንታ ዋክያር ዐፈርድባብ ዶቅሴ ኤጨንባብ ማትካንታ ይንታ ማተንም ዳቻግንዳ ክት ፍይዳ።

19 ኮ ፍጫሙደንታ ኤጨና ሳብታ እሪ ዳቻርሜ፥ ኮነረ፥ “ሳብ ኤጨንባብከሰም ኬታ ጨበንካ ከትም የዴ” ጋይምሶ ጸፍምሳን ግንዴ።

20 ኮትኮግንደረ፥ “ጮይሰ ኤጨን ባብከሰታ ገቅርና ዉቕኩን ማትንተን ኤዘዴ” ጋይድንዳ ጸፍምቴ።

21 ኮካንታ ሙዳ ር የንታ ማቻን ካንታ ዐየነረ ኤድካ ዐይ ጨቃ።

22 ጳውሎስረ ማታ እጵሎስረ ማታ፥ ጴጥሮስረ ማታ፥ ኮፍጫ ሙደነረ ማታ፥ ዶቅንተረ ማታ፥ ደኤረ ማታ፥ ታ ዶቅድንደረ ማታ፥ ቡር ዐድንደረ ማታ ሙደነረ የንቴ።

23 የታ ማቼ ክርስቶስተቴ፤ ክርስቶስረ ሳብቴ።

4

ክርስቶስጎካ ኦይትምስባብከስ

¹ ይና ኤድ ሙደና ዎም ክርስቶስታ ፍክስንባብ ዎ ማቻን ግንዳ ሳብታ እቕምሳን ኬዘን መያ ማስታ ባላ ዎካንታ እምምስባብ ዋደን ተይባብ ዎ ማቻንግንዳ ማስሶ ኬታ ዎም ፍይዳ።

² ኩን ማቼ ዋደን ተይባብከስረ እመንምስባብከስ ማትሶ ዐፍር ከትም ዝግዝዳ።

³ እጎካ ማቼ የተረ እስታዘን እነረ አብ ኤድ እስታዘን ፋረጂ ዐረሰነረ እም ካማይ፤ ዶፊንካ እታ እስታዘን ዎራ ፋረዳክቴ።

⁴ እ ኤዘድንግንዳ ማቼ እካንታ ኤስምድንዳ ካይ፤ ኮነረ እ ጭለጭል ማትንተን ሰቻይ፤ ኬዛር ማቼ እዘን ፋረድባብ ጮይስ ዐክዬ።

⁵ ኮካንታ ሰጨና የላክናና፤ ጮይስ ፍርዳካንታ ዐተርንደታ እሪ ዐየንዘነረ ዐይ ፋረደቴ፤ ክት ዐድን ሰጨናይካ ኡማር እቕምሳንደትም አቻ ኬዘን ሳክማር ዉጅዴ፤ ኤድንከስታ ቡዳር እቕምሳንደትም ገቅርን መያ ማዘዴ፤ ኮታይካ ዋልቃ ዋልቀና ሳብዘንካ ዝግዝድን ጎፍስ ዐፍተ።

⁶ እስታ እስመንከስኬ ምቕነንከሶ! የካንታ ማታባብ ጋይስቶ እንምኬ አጽሎስምካ ኮጎካ ካምስ ማስሰቶ ከዛቴ፤ ኮመረ እ ይሳንዳ “ጸፍምሳንዘንካ ዐይ ሰጌ” ጋይድን ዘረንታ ቡልን ዎንዘንካ የ ኤስተርን ግንዳ ጋይስቴ፤ ኮካንታ ዋልቃ ኤድካ ጨቀረቶ አብ ኤድንም ቶቻ የም ዝግሳይ።

⁷ የና አብን ኬዘንካ ዐረከስ ሰግዳ? አብንዘንካ የስ ተያክንዳ ዐራ ር ዶቅዳ? ይና ሙዳ ርን የስ ተያንዳ አብንከዘንካ ማቼ ተያክን ኤድግንዳ ዐረተስ ጨቅዳ?

⁸ ታ ማቼ የም ዝግዝድንደትም ር ሙዳ ዐፍተቴ፤ ታ ማቼ ቆልመንባብከስ ማተቴ፤ ዎንዘንከረ ፋስምስቶ ባንቕምተቴ፤ ገታ የ ባንቕምተሰናና፤ ዎተረ የንካ ክክን የካ ዎ ባንቕምደሰናና ኤርማ ማተርዶቆ።

⁹ ሳብ ዎ ኦይትምስባብም ደእ ከታዘን ፋረድምስንካ ኬት ደይስርድን ካርዘን ተይአይምድባብ ኤድንከስታ ዎክያርንካ በእንተዘን ዎም ይሳን እም ካምዴ፤ ኮዘንከረ እምሳንዳ

ፍጫሙደንዘን ክታይንችከረ ማታ ኤድንከሰታ እሪ ለቀንደት ማትሶቶ ሰድምዶቲ።

10 ዋታ ክርስቶስካንታ ጋይሶቶ ዳቸንከሰ ማቶቲ፤ የታ ማቼ ክርስቶስካ ኤጫባብ ማተቲ፤ ኮግንደረ ዋታ ጋፍባብ ማቶቲ የታ ማቼ ዛብዝባብከሰ ማተቲ፤ የታ ቦንችምሰባብ ማተቲ፤ ዋታ ማቼ ቶችምሰባብ ማቶቲ።

11 ታ ማቼረ ኮ ሳዓት የለልታ ዳቀርዶቲ፤ ዋቸርዶቲ፤ ዘና ጫለንከረ ማዶቲ፤ ጉጸርዶቲ፤ ኤሄታ ካይንተካ ኦሰ ፈንክ ለንቃኦግዶቲ።

12 ዋንታ ገታ አንካ ፍክሰሮ ጋብዶቲ፤ ኬት ዋም ባድንካ ዋታ ከትም እንጅዶቲ፤ ኬት ዋም ዳይድንካ ዳንዳእዶቲ።

13 ኬት ዋም የግድንከኬ ዋንታ ላምንመረ ከት ካይዝድንካ ዋንታ ማተን ይርክሳ ይንተካ ከትካንታ ማዝዶቲ፤ ታ የለልታ ኮ ፍጫሙደንዘን ዋቸባብኬ ዳቅል ዐጭመረ ማቶቲ።

14 እታ ኮም የካንታ ጸብድንዳ ሶልምምሰባብ እሰታ ይንችግንዳ ማሰሰቶ የም ዘራካንታ ገቅርሰቶ ዳት የም ኦሰንሰካንታ ጋይሰቶ ካዬ።

15 ዐረጎረ ዋራ ክርስቶሳር በድ ጎርዝድባብ የካንታ ዶቅሴ በድ ባበንከሰ የንታ ካዬ፤ እታ ማቼ ክርስቶሰ የሱሰታ ክላ ኬዘንካ የም እእትቲ

16 ኮካንታ እሰታ ካምሰንም የ ጎርሰምተርንግንዳ እታ የም ምግዝድቲ።

17 ኮጎካ ሶልምምሰባብከ እመንምሰ ባብ ጮይሰካ እሰታ ይንች ማቸባብም ጢማቶሰም የካንታ ኦይትቲ፤ ካሪ ሙደናርኬ ዐክ ዐክ ምክሰ ኤሄንከሳር እ ኤሰዝድን ግንዳ ኖ እ ክርስቶስካ ዋልቃ ማትሰቶ ዐፍሳንደትም ክላ ዶቅንትታ ጎግን የም ገቅርሰተሬ።

18 ኬዛር ማቼ የንታ ዋርንካ ዋልቃ ዋልቀንከሰ እታ የም ሰድንካንታ እ ዐተራክም ኬትም ካምሰንካ ኦትረካ ጮጭተኬ።

19 ማታጋካ ዳት ጮይሰታ ጋይታ ማቼ ቅንች ሰጫር የንደር ዐድቲ፤ ኮታይካ ኬትኬና ኦትረንባብከሰታ ኬዘንም ዐክ ማታክና ከታ ዋልቀንመረ ኤሰካንታ ዝግድቲ።

20 ዐረታ ጋይሴ ሳብታ ባንችምና ኬዝካ ማታክና ሳብታ ዋልቄ።

21 የ ዝግድንዳ ዐራ? ዋጭካንታ ጉፋ የትቶ የንደር እ ዐራድግንዳ ዝግደቲ? እና ሶልመከኬ ማተን ይርክሳ ይንተታ እያንካ እ ዐራድግንዳ ዝግደቲ?

5

እሜንድባብከስታ ዋክያር ይይምሳን ቱና

1 የንታ ዋክያር ኦስንዝድን በልም ደቅድንደትም ገታ ኬዝምዴ፥ ኮግንደና በልም አይሁድ ማታክባብከዝደር ዋራ ይምዳክንዴ፥ ና ኮነረ ጋጽሳን እንደንም ይንታ ኬነን ግንዳ ማሰሶ ደቅድባብ ደቅዴ ጋይምቲ።

2 ይና፤ ኮግንዳ ደቅድን ኦስንዝድን ር የንታ ዋክያር ደቅድንካ ኦተርተቲ። ሰግሰሶ ኮሪንካ ሞርእሰቶ ኮግንዳ ፍክሰን ፍክሰባብ ኤድን የንታ ዋክያርንካ ዉቕ ዝክሳየ?

3 ዐረሰረ ዋራ እታ ዋሄካ የንካ የካ እ ማታክናንከረ እያንካ የንካ ክክንቲ፤ ገታ የንካ የካ እ ደቅድንግንዳ ማትሰቶ ኮግንዳ ፍክሰን ፍግዝድባብ ኤድንዘን ጮይሰ የሱሰ ክርሰቶስታ ላምንካ ክታዘን ፋረትቲ፤

4 የ ሳንምድንደት ዐይካ እተረ ዋንታ ጮይሰን የሱስታ ዋልቀካ የንታ ዋክያር እያንካ እ ዐራድግንዳ፤

5 ጎመካ ጮጫን ኮ ኤችንታ ዋሄና ካይድንግንዳ ሰጣንካንታ ሰክሰተቶ ክትም እም የም ዝግዝዴ። ኮመረ የ ይድንዳ ጮይሰ የሱሰ ፋረድካንታ ዐራጉ ሰጪንካ ኮ ኤችንታ ሰንፔና አቅድንደትግንዴ።

6 ይና የንታ ጩቅና ኡርማ ካዬ፥ ቶክም እርሰና ማጣ ሙደን ኡስዝድንደትም ኤዝደትካየ?

7 ታ የ ማቻንደትግንዳ ሙዳ እርሰና ኮታር ካየን አክ ማጤረሳን የ ማተርንግንዳ እር ዐራጉ እርሰንም ዐላእስኩቲ፤ ዋንታ ፋዘገንታ ቆልይ ማቕባብ ክርሰቶስ ካሲ ማቲ፤

8 ኮካንታ ጩበኬ ዳቀልሰ ጮጫንደታር እርንደት እርሰንካ ማታክናና እርሰን ካየንደትካ ሉለተኬ ዶፈንንታ ባይሰ ባአልን ዋ ቦንቻ።

9 ኮታ እሪ የካንታ እ ጸፍሳን ክተንካ ቤልምባብከስካ ክክን ዐይዙገረቲ የም ጋይትት ዶቆ።

10 ኮመረ እ ጋይድንካ ሙዳ ኮ ፍጫሙደንዘን ቤልምንባብከሰካ እነረ ሪይታ ጭጭድን ኤድንከዘንካ እነረ ድብንከዘንካ እነረ ኡብ ርም ጎይናኑግድባብከሰካ ክክን **ዐይዙገረተ** ጋይንት ካዬ፤ ኮግንዳ ማቼ ፍጫሙደንታ ዋርንካ ዉት የም ዝግዝዳ ጋይንትዬ።

11 እታ ማቼ የካንታ እ ጸፍሳንዳ አሜንድባብከሰ ጋይምሰኮ ቤልምድባብከሳርንካ እነረ ሪካንታ ጭጭድባብከዘንካ፤ እነረ ኡብ ርም ጎይንድባብከዘንካ እነረ ኤታ ላምም ካይሳኦንግድባብከዘንካ እነረ ጎዘድባብከዘንካ፤ እነረ ቡርድባብከሰካ ክክን **ዐይዙገረቱ** ጋይሰቱ። ኬት ኬናግንዳ ዶቅድን ኤድንከሰካ ክክን፤ እኛም ከትካ የካ **ዐይ** እቸቱ።

12 አሜንድባብከሰታ ዋልቃ ትኝንዘንካ ማል ዶቅድን ኤድንከዘን ፋረድካንታ እታ **ዐይራ?** አመንድ ባብከሰታ ዋልቃትቸንታ ዋር ዶቅድባብ ኤድንከሰካ የታ ፋረድካንታ ማደት ካዮ?

13 ማል ዶቅድን ኤድንከሰካ ፋረድባብ ሳብዬ፤ ይና ማጸፍና ጋይድንግንዳ “ዶቅል ኤድን የንታ ዋክያርንካ ዉኝከቲ”።

6

አሜንድባብከሰታ ክክ ክክ ካሰሰምንጎካ

1 የንታ ዋርንካ ዋልቀና አመን ማቸባብ ይንታ እሰመን አመንድባብካ ክክን ዋጭምሰ ዋጭመንም አሜንድባብከሰ ፍርደካ ክትካንታ ሰድንግንዳ ይዘንካ ካሰሰካንታ ኦሰ አይሁድ ማታክባብ ቡጫ ጋልተንከዘደር **ዐስግንድክ** አይዳ?

2 ሳብ ኤድንከሰ ፍጫሙደንዘን ፋረድንደትም የታ ኤሳየቲ? ይና ፍጫሙደንዘን ፋረድባብ የ ማድንካ ኮ ቶክም ሪንዘን ፋረድ የም ጋምዶ?

3 ክታይንቸንታ ዘን ዋራ ዋ ፋረድንደትም የታ ኤሳየቲ? ይና፤ ኮ ፍጫሙደንታ ገኝ **ዐቅንከዘን** ሰግሰሶ ፋረድ **ዐስግንዳ** ዋንደር ማታይንዳ?

4 ይና ክክ ክክ የ ዋጭምደ አሜንድባብከሰታ ዋልቃትኝናርንካ ማል ማቸባብከሰኬ ቶቸምሰባብ ኤድንከሰታ እሪ የንታ ኬዘን **ዐስግንድንት** የልዝዳ?

5 ኮም እ ጋይድንዳ የ ኦሰንድን ግንዳ ጋይሰቲ፤ ኤቦ ይና አመንድን እሰመንንከሰትኬ ሞቸንንከሰታ ዋክያር ኩን ማታ ጋይሶ ኬዛካንታ ማድባብ ገቀርት ተይድባብ ጋልታ **ዐፈራዮ?**

6 ይና፤ ዋልቃ አሜንድባብ አብ ይንታ እስመን አመንድባብም ካሰሰሶ አመንዳክባብከሰታ ፍርዳ ኤሄናር ተይ አይክትም ዝግዝዶ?

7 ኮትኮግንደረ የታ ክክ ክክ ካሰሰምሰቶ በርም ይንታ ማታርንካ የካንታ ኦሰኔ ሰክሰሶ የታ የ ኡፈልሰሰናና ኡርተራክዮ? ኮትኮግንደረ የታ የ ገሰምሰሰናና ኡርተራክዮ?

8 የታ ማቼ የንታ እስመንከሰ ማቼባብ አሜንድባብከሰታዘን ዋራ ኡፈልሰኬ ገሰንም ቦደቲ።

9 ዳቀልሰንባብከሰ ሳብታ ባንቹምን ኬት ተይዳክንደትም ኤዝደት ካዮ? ኮ ሪንካ ዐይገስመቲ፥ ቤልምድባብከሰ፥ እነረ አብ ርን ጎይንድባብከሰ፥ እነረ ማነም ኦካኦንግድባብከሰ፥ እነረ ማነኬ ማነካ ናንከረ እጎነኬ እጎነካ ክክን ቤልምድባብከሰ፥

10 እነረ ድብድባብከሰ፥ እነረ ሪይካንታ ጭጭድባብከሰ፥ እነረ ጎዘድባብከሰ፥ እነረ ኤታ ላም ካይዘድባብከሰ፥ እነረ ቡርድባብከሰ ሳብታ ባንቹምን ተይዳከኬ።

11 የንታ ዋርንከረ የታ ዋልቃ ዋልቀንከሰ ኮትኮግንዳ ዐቀቲ፥ ታ ማቼ ጮይሰ የሱሰ ክርሰቶሰታ ላምንኬ ዋንታ ጮይሰንታ እያንንካ ጎመዘንካ ሰኤርተቲ፥ ሳብካንታ ፋሰምሰባብ ጭልምሳን ዋርሳ ማተቲ፥ ጭልምተቲ።

ዋንታ ኤደትቹን ሳብታ ቦንቻካንታ ዐቀስ ዝግዝድንደትም

12 “ሙዳ ሪና እካንታ ጋይምቲ” ማቼረ ሙዳ ርና እካንታ መይድንዴ ጋይንት ካዬ፥ ሙዳ ሪና እካንታ ጋይምቲ፥ ማታጋካ ዳት ዐምን ሪካንተረ እይላ ማትሰቶ ቆልማይቲ።

13 “እቶም ልጻ ካንቲ። ልጴረ እቶምካንቲ” ይና ሳብ እቶምንመረ፥ ልጴንመረ ኬትም ካይዝዴ፥ ኬዛር ማቼ ዋንታ ኤደትቹና ዋንታ ጮይሰ የሱሰ ካንቲ፥ ጮይሰ የሱሰረ፥ ዋንታ ኤደትቹን ካንታ ማቻን ኦል ዋንታ ኤደትቹንም ቤልምካንታ ዐቀስ ዋም ዝክሳዬ።

14 ሳብ ጮይሰ የሱሰም ደእያርንካ አምሰሰቲ፥ ዋመረ ይንታ ዋልቀንካ ደእያርንካ አምሰዝዴ።

15 የንታ ኤደትቹና ክርሰቶሰታ ዘነታ ዋርንካ ዋልቀና ማትንተን ኤዝደት ካዮ? ይና ክርሰቶሰታ ዘነታ ዋርንካ ዋልቀን ተይሰቶ በልም ኤተንታ ዘነታ ዋርንካ ዋልቀና ማድንግንዳ እም ዝግዝዶ? ቦድሶ ዝክሳዬ!

16 በልም ኤተንካ ክክን የልድን ኤድ ኮትካ ክክን ዋልቃዘና ማትንተን ኤዘደት ካዮ? “ኬታ ቃስተነረ ዋልቃዘና ማደኬ” ጋይምሶ ጸፍሞቼ።

17 ጮይሰ የሱሰካ ክክን ዋልቃ ማድን ኤድ ማቼ ክትካ ክክን አያንካ ዋልቃ ማዴ።

18 ኮ ኦላር ቤልምዘንካ ጎተርከቲ፥ ኤድ ይድንዳ አብ ጎማ ሙደና ክታ ኤደትቸንዘንካ አብ ይይምድንዴ፥ በልም ቤልምድባብ ኤድ ማቼ ይንታዘን ጎማ ፍግዘዴ።

19 የንታ ኤደትቼና ሳብዘንካ የ ተያንደትኬ የንታ ዋረረ ዶቅድንዳ አያን ጭልንታ ጭል ኤሀ ማትንተን የታ ኤዘደት ካዮ? ይና የታ ሳብተት ዳት የንታ ማታ ካንታ ካየቴ።

20 ሳብ የም ይንታ ይንቸንታ ማቀሰካ ቆቴ። ኮ ኦል የንታ ኤደትቼንካ ሳብም ቦንቸከቲ።

7

እንቸንጎካ እምሳን ኦይሰንታ ማሰ

1 የ እካንታ ጸፍሳን ኦይሰን ጎካ ኤድ ማነካ ክክን የላከሰናና ኡርሜ።

2 ኬዛር ማቼ ቤልምዘንካ ጎተርካንታ ዋልቃ ዋልቃ እግነን ካንታ ክታ ማታ ኬነና ዶቃ፥ ዋልቃ ዋልቃ ማነንተረ ኮታ ማታ ክእሰ ዶቃ።

3 ክእሰ ይንታ ከነንካንታ ይ ክትም ዝግዘድንደትም ክት ዐይ ማራ፥ ኮትኮግንደረ ኬነና ይንታ ክእሰንካንታ ይ ዝግዘድንደትም ኮት ዐይማራ።

4 ኬነና ይንታ ዘነንዘን ኤራ ኮታ ካዬ፥ ኮታ ዘነንዘን ኤራ ዶቅድባብ ክእሰኤ። ኮትኮግንደረ ክእሰ ይንታ ዘነንዘን ኤራ ክታ ካዬ፥ ክታ ዘነንዘን ኤራ ዶቅድንዳ ኮት ከነንቴ።

5 ምክሰካ ዳቅ ካንታ የታ ቃስተና ኤእሰቶ ቶክም ሰጫካንታ ማታክን ማቼ ፋሰምካ ዋልቀና አብንታ እንቸንጎካ ዐይማራ። ኮጎከረ የንታ ማተን ካርሰ የም ጋምሰንካ ሰጣን የም ጸጭዳክንግንዳ የካ ዶእከቲ።

6 ኮም ማቼ እ የም ጋይድንዳ ዘራግንዳ ዳት ክታግንዳ ካዬ።

7 ኤድ ሙዳ እግንዳ ማና እንቻክሳ ዶቅሳናና ሶልምድት ዶቆ፥ ኬዛር ማቼ ዋልቃ ዋልቀንከሰካንታ ሳብ ዐክ ማቻን እምንተን

ክትካንታ እምቲ፥ ዋልቀንታ ዋልቃ እምንታ፥ አብንካንተረ አብ እምንታ ደቅዴ።

8 ይአክባብከሰካንተኬ ኮትኮግንደረ ኬታ ክእሰን ደእሰባብ ማንነከሰካንታ እ ጋይድንዳ ኩኔ፥ ይአክክደቆ እግንዳ ማትሶ ከት ደቅሳናና ኡርሜ።

9 ኬዛር ማቼ ዋሄታ አግርካ እትርዘንካ ክክ እንቕምና ኡርማ ደቆ ከታ ይንታ ማተን ካርሰም ከትም ጋምሴ እንቕማ።

10 ይእሰባብከሰካንታ ማቼ እ እምድንዳ ክተና ኮኔ፥ ኮነረ ክተና ጮይሰታ ዳት እሰታ ካዬ፥ ይእሳን ኤተና ይንታ ክእሰንዘንካ ዐይ ፋሰማ።

11 ና ይ ፋሰምሰረ ይአክደቆ ይንት ኮት ደቃ፤ እነረ ይንታ ክእሰንካ ክክን ኮት ኤድማ፤ ኮትኮግንደረ ክእሰ ይንታ ኬነንም ዐይ ቡላ።

12 አብንከሰካንታ ማቼ ጮይሰ ማታክናና እታ እሰታ ማታርንካ እ ጋይድንዳ ኩኔ፥ ዋልቃ አሜንድባብ ኤችታ አሜንዳክንዳ ኬነና ክታ ደቅሴ የካ ደቅካንታ ኮት ዝግዜ ኮትም ክት ዐይቡላ።

13 አሜንድን ኤተንታ አሜንዳክባብ ኮታ ክእሰ ደቅሴ ኮትካ የካ ደቅካንታ ክት ዝግዜ ኮት ክትም ዐይ ቡላ

14 አመንማታክባብ ክእሰና አመንማቻን ኬነንካ ሳብታ ኮች ማዴ፥ አሜን ማታክንዳ ኬነረ አሜን ማችባብ ክእሰንካ ሳብታ ኮች ና ማዴ፥ ኩን ማታክንዳ ማቼ የንታ ይንቕነረ ሳብታ ኤድንከሰ ማትካንታ ማታየኬ፥ ኮግንደካ የ ደቅሳንዳ ማቼ የንታ ይንቕና ሳብታ ኤድንከሰ ማደኬ

15 አሜን ማታክባብ ዋልቀና ፋሰም ይ ዝግዜ ፋሰማ፥ ኮት ሰጨንካ ማቼ አመን ማችባብ ዋልቀና ክእሰረ ማታ ኬነና ዐረራከረ ኦይሰማዬ። ሳብ ዎም ክት ኤልሳንዳ ሳራትቹካ ዎ ደቅድንግንዴ።

16 የና አሜንድን ኤተኖ፥ አሜን ማታክባብ የሰታ ክእሰን ዐረጋግርካ የሰ እቅዘዳናንከረ ዐረሰ ኤዘዳ? የና አሜንድባብ ኤችኖ፥ አሜን ማታክንደትም የሰታ ኬነንም ዐረጋግርካ የሰ ኮትም እቅዘዳናንከረ ዐረሰ ኤዘዳ?

ሳብ ኤልሳንደትዜን ዳቅሶ ደቅንት

17 ዋልቃ ዋልቀና ጮይስ ክትካንታ እምሳን እምንተኬ ሳብ ክትም ኤልሳንደትባይካ ይ ደቅድንደትግንዳ ክት ደቃ፥ ባይካ ባይካ እመንድባብከሰካንታ ሙዳ እ እምሳንዳ ክተና ኮትኮሜ።

18 ባይካ ኤድ ሶለንም ተቻንደታ ቡር ኤልምሰባብ ማቼ ሶለንም ተቼራክባብግንዳ ማትካንታ ባይካቀራ፥ ሶለንም ተቼራክደቆ ኤልምሰባብ ማቼረ ተቼርንም ክት ባይካ።

19 ሶለንም ተቼረረ ማታ ተቼርክሳ ነግነረ ባይካንንተረ መያዬ። ደፈን ሪና ሳብታ ክቴንም ቦድንተኔ።

20 ኮካንታ ዋልቃ ዋልቃ ኤድና ሳብ ክትም ኤልሳንደት ባይካ ይ ደቅድንደትግንዳ ደቃ።

21 ሳብ የሰም ኤልድንደትባይካ እይለሰ ባይካ? ኩን የሰ ማቼረ ባይካን። ባይካ። ወቕ ወትንተታ ኡዋን የሰ ባይካን። ኮና ኡዋና የዘንካ ባይካ።

22 እይላ ማትሶ ደቅድንካ ጮይስካ ኤልምሰባብ ኤድ ጮይስያር ወቕ ወትንተን ባይካ። ኮትኮግንደረ ወቕ ማትሶ ክት ደቅድንካ ኤልምሳን ኤድ ክርሰቶሰታ እይላ።

23 ሳብ ይንታ ይንቶንታ ማቀሰንካ የም ሰንሳንንካ ኤታ እይለንከሰ ባይካ።

24 ኮካንታ እሰታ እሰመንከሰኬ ምቕንንከሶ ዋልቃ ዋልቃ ኤድና ይ ኤልምሳንደት ባይካ ይ ደቅድንደትግንዳ ሳብካ ክክን ኮታር ክት ደቃ።

ይእክባብከሰንኬ ክእሰን ደእሰባብ ማንንከሰንካ ኦይሰና

25 ይእክን ኤድንከሰንካ ጮይስዘንካ እ ተያንዳ ክታ ካዬ፥ ኬዛር ማቼ ጮይሰታ እጭርንካ እመንምሰባብ እ ማቻንከካ እሰታ ገቅርና ኮዘንካ ኦሰ ደቅድንዳ።

26 ታ ዋ ደቅድን ሰጪና ማጣ ሰጭ ማቻን ኦል ይእከክ ደቆ ይንት ደቅና ኡርመም እም ካምዳ።

27 ማቼረ ማና የሰ እንቶታ ማቼ ቡልካንታ ባይካ። ማና የሰ እንቻክንዳ ማቼ እንቻካንታ ባይካ።

28 ኬዛር ማቼ የና ማና የሰ እንቼ ሳማ የሰካንታ ማዳ ጋይንት ካዬ፥ ኮትኮግንደረ ዋልቃ ይንቼን እንጃ ኦሳና ኤር ኮት ይእሴ ሳማ ኮታዘን ማዳ ጋይንት ካዬ፥ ማታጋካ ዳት እንጅድን ኤድንከሰ ኮ ፍጫሙደንዘን በድ ደቅንተታ ማጣ ኬትም የልዳ፥ እሰተረ እንግርና ኮ ማጠንዘንካ የ እቅተርን ግንዳ።

29 እስታ እስመንከሰኬ ምችነንከሶ! እ የም ጋይድንዳ ኩኔ፥ በእነታ ሰጪና የልቴ፥ ይና ኮዘንካ ኦስ ማና ክታ ደቅድንዳ ማና ካየንደት ግንዳ ማትሶ ኬት ደቃ። ማነን ከሰ ኬታ ደቅድባብ ኬታ ካየንባብከሰ ግንዳ ማትሶ ኬት ደቃ።

30 ሞርእድባብከሰረ ሞርዳክባብከሰግንዳ፥ ጉርምድባብከሰረ ጉርምዳክባብከሰግንዳ ማትሶ ኬት ደቃ፥ ር ሰንድባብከሰ፥ ዐረሰነረ ሪካየንባብከሰ ግንዳ ማሰሶ ኬት ፍይዳ።

31 ኮ ፍጫሙደንዘን ቆልመካ ገጅድባብ ሙደና ኮትካ ገጅዳክባብ ግንዳ ማትሶ ከት ደቃ፥ ታ ኮ ፍጫሙደንታ ይተና ሰገድንደ።

32 ኮካንታ ዐረሰን ገቅርካ ማጠራከት ደቆ የ ደቅተርንግንዳ እታ ሶልምድቴ፥ ማና እንቻክባብ ኤድ ጮይሰ ክታዘን ጉርምድንደት ርም ክት ዝግድን ኦል ክታ ገቅርና፥ ጮይሰም ካምድን ፍክሰታ ዘኔ።

33 ማና እንቻባብ ኤድ ማቼ ክት ገቅርድንዳ ኮ ፍጫሙደንታ ሪከኬ ይንታ ኬንመረ ጉርምዝድን ሪዬ።

34 ኮግንደካ ገቅርና ቃሰተን ፋሰምቴ ጋይንትዬ። ኮትኮግንደረ አጻና ኤር ይአክንዳ ማና ናንከረ ይንቻ እንጃ ይንታ ዋሄንኬ ይንታ አያንካ ጭልምሶ ጮይሰታ ማትካንታ ይ ዝግድንካንታ ኮታ ገቅርና ጮይሰም ሰቕዝድን ፍክሰኬ። ይእሳን ማነና ማቼ ይንታ ክእሰን ጉርምሰካንታ ኮት ዝግድን ኦል ኮት ገቅርድንዳ ፍጫሙደንታ ሪዬ።

35 እ የም ኮም ጋይድንዳ ጭኬታ ዋር አርድሰቶ የ ማጠርድንግንዳ ጋይሰቶ ማታክናና የካንታ መይድንግንዳ ጋይሰቴ፥ እስታ እንግርነረ የታ ዝግዝድንደት ግንዳ የ ደቃባብኬ የንታ ገቅርና ዉች ነጋክናና የንታ ቡዳርንካ ጮይሰካንታ የ ፍክሰተርን ግንዴ።

36 ዋልቃ ኤድ ይንታ ሶርምሳንደትም እንቕክሳ ነግካንታ ይ ገቅርሳንደታ ቡር ኮም ይተና ይንቹንካንታ ኡርማ ክት ይያክንዳ ማትንተና ክትካንታ ኤሰምሴ፥ ኮታዘንከረ አብ ኮትም እንቻካንታ ክታ ደቅድን ዝግመትና ዳቅማ ማቼከ ኬታ እንቕምና ገታ ክትም ካምሴ ይ እንገርሳንግንዳ ኮትም ክት እንቹ ጎማ ክታዘን ማታዬ፥ ኮካንተረ ኬት እንቻ።

37 ኬዛር ማቼ ዋልቃ ኤድ ይንታ ቡደካ ክት ዳቅሴ ሶልማክናና እንጅድንግንዳ ይሰዝድንዳ ካየንዳ ማቼ ይንታ

እግርንም ነክሰካንታ ክት ማቼከ ይ ሶርሳንደትም እንጅዳክተ ጋይሶ ክት ገቀርሴ ኡርማ ይሴ።

38 ኮካንታ ማና እንጅድባብ ኡርመንም ይዴ፥ እንጅዳክባብ ማቼረ እንድንካ ኡርሳን ይዴ።

39 ኬነና ክእለና ሰንፔካ ዶቅድን የለልታ እንቕምንታ ህግንካ ና ዘክምሳንዴ፥ ኮታ ክእለና ደእሳን ማቼ ና ይ ዝግዝባበር ይእ ኮትም መራዬ፥ ማቕንከረ ኮት ይእድባብ ኤቕነረ አሜንድባብ ማት ክትም ዝግዝዴ።

40 እስታ ገቅርንካ ማቼ ይእክ ዶቆ ይንት ኮት ማደሰናና ሰግሰሶ ጉርምካ ና ዶቅተረ፥ እተረ ሳብታ እያንና እንካ ዶቅድንደትም ኤዘድቴ።

8

ጮይሰ ማታክባብከሰካንታ ካሰርሳን ዋህ

1 ጮይሰ ማታክባብከሰካንታ ካሰርሳንዳ ዋህ ኮቲ ማቼ፥ ገቲ “ዋ ሙደንታ ኤሰ ዋንታ ዶቅዴ” ማታጋካ ዳት ኤሰና ኦተርዝዴ፤ ሶልማ ማቼ ዳቅዝዴ።

2 “ኤሰ እስታ ዶቅዴ” ጋይሶ ገቀርድባብ ኤድ ዶቅሴ ይም ዝግዝድንደትከካ እክ ኤሳክዬ።

3 ሳብም ሶልምድባብ ማቼ ሳብታ ላማር ኤሰምሰባብ ማዴ።

4 ኮካንታ ጮይሰ ማታክባብከሰካንታ ካሰርሳን ዋህ እቕ ጎካ ማቼ ኣብ ጮይሰ ጋይምድንዳ ሰንፓ ካየንዳ ማቕንደትግንደኬ ዋልቃ ሳብን ዘንካ ኣብ ጮይሰ ካየንደትም ኤዘደቴ።

5 ዐረሰን ዋራ ጮይሰ ማታከክ ዶቆ ጮይሰንከሰ ጋይምሶ ኤልምድባብ በድ ጮይሰንከሰ ጭለዘነረ ማታ ፍጨዘን ዶቅደኬ ጋይምሴ

6 ዋንታ ጮይሰና ማቼ ሙዳ ሪይታ ፍዛባብኬ ዋተረ ክታ ማቕባብ ዋልቃ ሳብ ባቤና ዐክዬ፥ ኮትኮግንደረ ሙዳ ር ክትካ ፍዝምሳንደትኬ ዋተረ ክትካ ዶቅድባብ ዋልቃ ጮይሰ የሱስ ክርስቶስ ዐክዬ።

7 ኬዛር ማቼ ኮም ኤዘድባብከሰ፥ ሙደንከሰረ ካየኬ፥ ዋልቃ ዋልቅንከሰ ታ የለልታ ጮይሰ ማታክባብከሰካንታ ጎይንን ኬታ ይንታ መጣ ማሰሳን ኦል ዋሄን እጅድባከሰ ጮይሰ ማታክባብከሰካንታ ካሰርሳን ማሰሴ። ኮካንታ ክታ ገቅርና ጋፍሳንዳ ማትንተንካ ቱና ማደኬ።

8 ኬዛር ማቼ ሳብደር ዎም የልዝድንዳ እኛም ካዬ፥ ዎ እቻክናነረ ዎም ዘገርድ ሪ ካዬ፥ ዎ እቼረ ዎ ሰእዝድ ሪ ካዬ።

9 ማታጋካ ዳት ኮና የንታ ዉኛ ዉትንተና አሜንካ ዳቃክባብ ኤድንከሰካንታ ጎሀ የማተራክንግንዳ ካርሰምከቲ።

10 “ኤሰ እሰታ ዶቅዴ” ጋይሰዮ ጮይሰ ማታክባብከሰካንታ ካሰርሳን ካሰርድን ኤሄናር የሰ እጅድንካ ይንታ አሜንካ ዳቃክባብ ኤድ የሰም ሰዴ ኮና የሰታ ይተና ኤኝን ጮይሰ ማታክባብከሰካንታ ካሰርሳንደትም ክት እጅድንግንዳ ይዳ ካዮ?

11 ኮካንታ የሰታ “እታ ኤዝድባብቲ” ጋይንተንካ ክርሰቶስ ክትካንታ ደእሰባብኬ ይንታ አሜንካ ዳቃክባብ አመንድባብና ካይዴ ጋይንትዬ።

12 ኮ ይተንካ አሜንድባብ የንታ እሰመንከሰም ባኝኬ ጋፍሳን ከታ ገቅርንካ ጎሄርሰረቶ ክርሰቶሰዘን ጎማ ፍግዝደቲ።

13 ኮካንታ እኛም አሜንድን እሰታ እሰመንም ጎሄርዝዳክቲ ጋይንተካ ቦድሶ ዋሀ እጅዳክቲ።

9

ኦይትምሰባብ ማትንተታ ሸንኬ ነግማይንዳ

1 እታ ዉኛ ዶቅካንታ ማድን ኤድ ካይቶ? እታ ኦይትምሰባብ ካይቶ? እታ ዎንታ ጮይሰን የሱሰም ሰዳክቶ? የተሰ ጮይሰያር እሰታ ፍክሰንታ አፍይ ካዮቶ?

2 ጮይሰያር እ ኦይትምሰባብ ማትንተንታ መይምዝድንዳ ማይተምና የ ማቻንካንታ አብንከሰካንታ ዎራ ኦይትምሰባብ እ ማታክን ማቼረ የካንታ ገታ ኦይትምሰባብቲ።

3 “ኦይትምሰባብ ማትንተታ ሸንይ የሰታ ካዬ” ጋይሰኮ እዘን ኬዝድባብ ዶቅሴ እ እምድን ማሰና ኮኔ።

4 ዎታ እኛምንኬ ዎጭምካ ዐፍካንታ ሸንይ ዎንታካዮ?

5 ኡብ ኦይትምሰባብከሰግንደኬ ጮይሰታ እሰመንከሰግንዳ እንረ ጴጥሮስ ግንዳ አሜንድን ማነም ጎርሰሶቶ ኦንገታ ሸንይ ዎንታ ካዮ?

6 እንረ ፍክሰካ ጉረሮቶ ዶቅንት ዝግዝድንዳ ባርናባሰምንኬ እንካ ዐክዮ?

7 ፍክሰታ ናከርድንደት ካይሳ ይንታ ብረንካ ፖልሰ ማትሶ ፍግዝድባብ ዐይፊ? ዎይንንም ኮርሰሶ አፍን እጅዳክባብ

ዐይራ? ይንታ ዉዴን ካርሰሮ ዋክንታ ራጭን ዋጭዳክባብ ዐይራ?

8 ኮሞ እ ኬዘድንዳ ኤታ ገቅርካ ዐክዮ? ሙሴታ ህግነረ ኩን ጋይዳካዮ?

9 “ዋንድን ጌዘሞንታ እፈን ዐይዞኬ” ጋይሞሶ ህግነካ ጸፍሞቲ፥ ይና ሳብ ኮሞ ጋይሳንዳ ገዘሞንከሰካንታ ገቅርኮ?

10 ሳብ ኮሞ ጋይሳንዳ ገታ ዋካንታ ገቅርካ ካዮ? ዋንን ዋንድባብ ጉርሞካ ዋንድንግንዳ፥ እሰንን ጉጵድባበረ ጉርሞካ ጉጵድንግንዳ፥ ኮግንደካ ሙደነረ ይሞ የልድንደትሞ ዐብድንግንዳ ኮና ጸፍሞሳንዳ ገታ ዋካንቲ።

11 ዋታ አያናርንድትሞ የካንታ ዋ ማሳንዳ ማቼ የንታ ዋሄንታ አንጀን ዋ ሰክዴ ና አንድሮ?

12 አብንከሰ ኮሞ ሪን የንዘንካ ካሰሞታ ሸን ኬታ ዶቅድንዳ ማቼ ይና፥ ዋንታ ኮዘንካ ሰግድንዳ ሸን ዐረታ ዶቃዮ? ዋካንታ ማቼ ኮና ሸንና መያክዬ፥ ኮሞ ዋንታ ይንተነረ ክርሰቶሰታ ክላ ኬዘን ሳክሰዘንካ ዋ ይሳይን ግንዳ ገቅርካ ሙዳ ርን ዳንዳእሶቶ ማዘዶቲ ጋይሴ።

13 ሳብታ ጭል ኤሄናር ፍግዘድባብከሰ ከታ ይንታ እቕሞን ሳብታ ጭል ኤሄናርንካ ከት ዐብድንግንደክ ካሰን ካርዘን ካሰን እምድባብከሰኬ ፍግዘድባብከሰ ካሰንዘንካ ካሰሞሰኮ ኬት እጅድንደትሞ ኤዘደት ካዮ?

14 ኮትኮግንደረ ጉጅሶ ክላ ኬዘን ኤሰዘድባብከሰ ከታ ይንታ እቕሞን ኮትኮ ከታ ይንታ ፍክሰናርንካ ከት ዐብድንግንዳ ጮይሰ ጋይቲ።

15 እታ ማቼ ከትኬ ሸንናርንካ ዋልቀነረ እም መይድን ግንዳ ይያክቲ፥ ኮመረ እ ጸፍሳንዳ ኮና እሰታ ሸንና ቦንቕሞክሳ ዐረቶክ ነገዳራ? ጋይንተካ ካዬ። ኤድ እሰታ ጨቅንሞ ዉቕኩን ማሰተርንዘንካ ሰግሰሶ ደእ እም ኤርዴ።

16 ክላ ኬዘን ኤሰሰና እሰታ ነግዳክንዳ ማቻንካንታ እ ኮትካ ጋይርድ ር ካዬ፥ ኮትኮግንደረ ክላ ኬዘን ኤሰሰክሳ እ ነገዴ እም የኤ!

17 ክላ ኬዘንታ ቃለን ዐየነረ ማእሳክናና እሰታ ገቅርካ እ ኬዛናና ጋፍንታ ናክ እሰታ ዶቅተሬ፥ ዐየነረ እም ማእሰንካ እ

ይዳ ማቼ ዋደካ እካንታ እምሞሳንደትም ፍክሰን ቦጃትዳት አብ እ ይሳንዳ ሪ ዶቅዴ ጋይንት ካዬ።

18 ይና፡ እስታ ጋፍንታ ናክና ዐፈ? ይና እስታ ጋፍንታ ናክና ክላ ኬዘን እስታ ኤሰሰንካ ዶቅድን ሸንና እካንታ መይድንግንዳ ይያክት ዶቅ ክላ ኬዘን ኤሰሰንታ እስታ ፍክሰን ናክካይሳ ወችኩን ቦዴ።

19 እታ ዐየንተረ አይላ ማታክት ዶቅ ወች ኤድቲ፡ ማታጋካ ዳት እዘደር ማድን ኬካ በድንከሰም አቅሰካ መይንታ ካንታ ጋይሰቶ ሙደንተረ አይላ ማችቲ።

20 አይሁድን ከሰካ ክክን ማድቶ አይሁድንከሰም አቅሰካንታ አይሁድን ከሰግንዳ ማቻቲ፡ እታ ህግንታ ታመካ እ ማታክናንከረ ዋራ ህግንታ ታማር ዶቅድባብከሰም አቅሰካንታ ጋይሰቶ ህግንታ ታማር ዶቅድባብ ኤድንከሰ ግንዳ ማቻቲ።

21 እታ ሳብታ ህግና እካንታ ዶቅድባብኬ ክርሰቶስታ ህግንታ ጎያር እ ማቼረ ዋራ ህግን ካየንባብ አይሁድ ማታክባብከሰም አቅሰካንታ ጋይሰቶ ህግ ካየንባብ ኤድ ማቻቲ።

22 እሜንካ ጋፍሰባብ ማችባብከሰም አቅሰካንታ ጋይሰቶ ጋፍሰባብከሰግንዳ ጋፍሰባብማቻቲ፡ እዘደር ማድንከካ ቶክምንከሰም አቅሰካንታ ሙደንካ ክክን ሙዳ ሪካ ማቻቲ።

23 ኮም ሙዳ እስታ ይይንተና ክላ ኬዘንታ አንጀንም ካሰምካንታ ክላ ኬዘንጎካ ጋይሰቲ።

24 ዞደካ ጋምካንታ ሙደና ዞድንደትግንደኬ ኬታ ዋርንከረ ዋልቀና ዐክ እመርድንደትም ተይድንደትም ኤዘደት ካዮ? ኮካንታ የተረ እመርድንደትም ተይካንታ ዞድከቲ።

25 ጋድምካንታ አርድባብ ሙደና ጋብዘድንካ ኤሰን ካንታ ይደኬ፡ ከታ ኮን ከት ጋብድንዳ ካይድንደትምኬ ሰጫካንታ ማድንደትም ዛወደንም ዐፍካንቲ፡ ዋታ ማቼ ዋ ጋብድንዳ ካይዳክንደትምከ ሰለንክንደታ ማቻን ዛወደን ዐፍካንቲ።

26 እታ ማቼ ቦድንታ ካየን ኤድ ግንዳ ወችኩን ዞዳይቲ፡ ዞገም ቱንግድባብ ኤድ ግንዳ ወችኩን እን ቶጵዝድባብ ኤድግንዳ ካይቲ።

27 ኮካንታ አብንከሰም ዞደንደር እ ኤልሳንደታ ቡር እታ እስታ ማታርንካ ዞደናር ካያባብ ማትሰቶ እ ዐፈርተራክን ግንዳ እስታ ማተን ካርሰርቶ እካንታ ክትምድንግንዳ ይድቲ።

10

ጮይስ ማታክባብከሰካንታ ጎይን ዝክሳይንደትም

1 እስታ እስመንከሰኬ ምቕንነከሶ! ዋንታ ባበንከሰም ኡፓ ከታዘን ሰፍሰሶ ከትም ጎርሰሮ ዐቃንግንደኬ ሙደና ባህርን ኬት ቃልሳንግንዳ የም ገቀርሰካንታ ሶልምድቴ።

2 ሙሴካ የካ ማትካንተረ ኮትኮ ኡፔናርኬ ኮ ባህርናር ሰኤርሰኬ።

3 ሙደነረ ዋልቃ አያንታ እቕምን እቕኬ።

4 ሙደነረ ዋልቃ አያንታ ዋጭምን ዋጮኬ፤ ኬት ዋጫንደረ ኬትም ጎርሰምድ ዐቃን አያንታ ላዘንዘንካ ፉእሳንዳ ቱትዬ፤ ኮነረ ላዘና ይንታ ማታርካ ክርሰቶሰዬ።

5 ኮነረ ማቕንካ ሳብ ከት በድንከሰካ ጉርማክዬ፤ ኮካንታ ከታ ለይሰነረ ዴል ቆቸናር ዋቕሶ ነገዴ።

6 ከታ ዳቅልር ከት አንገርሳንግንዳ ዋተረ ዳቅልር ዋ አንገርዳክን ግንዳ ኮና ሙዳ ዋካንታ ኤግዝምሰታ ካምሰ ማቴ።

7 “ኤድንከሰ እቕካንተኬ ዋጭካንታ ደቅሰኬ፤ በድ ይግካንታ እምሰኬ” ጋይምሶ ከትካካ ጸፍምሳንግንዳ፤ ከተረ ሳብዘንካ አብ ሪም ኬት ጎይንሳንግንዳ የተረ ከትግንዳ ሳብዘንካ አብ ሪም ዐይሮ ጎይነቴ።

8 ከታርንካ ዋልቃ ዋልቀንከሰ ቤልምሳን ግንዳ ዋ ዐይሮቤልማ፤ ከት ቤልምሳን ካንታ ከታርንካ ቦንደኬ ማከን ሳኦ ኤድንከሰ ዋልቃ ሰጪካ ደእሰኬ።

9 ከታርንከረ ዋልቃ ዋልቀንከሰ ጮይሰም ጸጫንደትግንደኬ ጉኒካ ጋእርሶ ከት ደእሳን ግንዳ ዋተረ ጮይሰም ዐይሮ ዋ ጸጫ። ጮይሰ ጋይድንደትም አብ ማጸፍንከሰ (ክርሰቶስ) ጋይዴ።

10 ከታርንካ ዋልቃ ዋልቀና ከት ጉንድምሳንግንደኬ ካይዝድን ክታይንቕንካ ኬት ካይዳን ግንዳ የተረ ዐይሮ ጉንድመቴ።

11 ኮና ሙዳ ርና ከትም የልሳንዳ ዋካንታ ኤግዝምሰታ ካምሰ ማድንግንዴ፤ ጸፍምሳንደረ ሰለንከሰታ በእነተንዘን ዋ ዐፈርድባብ ካንታ ኤሰሰ ማድንግንዴ።

10:1 ዉት. 13:21-22፤ 14:22-29። 10:3 ዉት. 16:35። 10:4 ዉት.

17:6፤ ፋይ. 25:1-18። 10:5 ፋይ. 14:29-30። 10:6 ፋይ. 11:4።

10:7 ዉት. 32:6። 10:8 ፋይ. 25:1-18። 10:9 ፋይ. 21:5-6።

10:10 ፋይ. 16:41-49።

12 ኮካንታ ዋእሳን ካምሶ ዐረፈድን ኤድ ይ ዋችተራክንግንዳ ካርሰማ።

13 ኤድዘን የልድን ጳጤዘንካ አብ ጳጤ የም የላክዬ፥ ሳብ አሜንምሰባቤ፥ የ ባላባብንዘንካ ሰግዳን ጳጤ የንዘን የላባብ ጋያዬ፥ የ ጳጤምድንደት ዐይካ የ ዳንዳእተርን ዋልቃ እምንተካ ጳጤንታ ዋርንካ የ ዉተርንደትም ጎግ የካንታ ግግሰተሬ።

14 ይና እስታ ገርነንከሶ! ጮይሰ ማታክባብከሰካንታ ጎይንንዘንካ ጎተርከቴ።

15 ኮመረ እ የም ጋይድንደረ ገቀርድባብከሰ የ ማቻንካንቴ፥ ኮካንታ እ ኬዘድንደትም የታ የንታ ማታርንካ ፋረድከቴ።

16 ዋታ ሳብም ጋለትሶቶ ዋ ካሰምድንዳ አንጀታ ኡፍተና ክርሰቶስታ ማቀሰንካ ክክን ዋልቃትች ደቅድንዳ ካዮ? ዋ እስቲ ተይድንደረ ባልሰና ክርሰቶስታ ዋሄንካ ክክን ዋልቃትች ደቅድንዳ ካዮ?

17 ባልሰነረ ዋልቃ ማትንተንካ ዋተረ ኮትኮ ዋልቃ ባልሰንዘንካ ካሰምድባብ ዋማቻንጎካ ዐረሰነረ ዋራ በድንከሰ ዋማቹረ ዋልቃ ዘኖቴ።

18 ይና እስራኤል ዋርሰንከሰ ከት ይሳንደትም ሰድከቴ፥ እመርድን ካሰን እጅድባከሰ ካሰርድንደትካ ክክን ዋልቃትች ካዮ?

19 ይና ኮም እ ጋይድንካ ጮይሰማታክባብከሰካንታ ካሰርሳን ዋሄን መይድ ሪዬ እስታ ጋይንትዮ? አነረ ጮይሰማታክባብከሰና መይድርዬ እስታ ጋይንትዮ?

20 ኩንካዬ! አይሁድ ማታክባብከሰ ካሰን ከት እምድንዳ ሳብካንታ ማታክናና ግምዘንከሰካንቴ፥ ኮካንታ የታ ግምዘንከሰካ ክክን ዋልቃትች የንታ ደቅድንግንዳ እታ ዝግዳክቴ።

21 ጮይሰትን ኡፍተናርንካ ዋጨረቶ አነረ ግምዘንከሰታ ኡፍተናርንካ ዋጭ የም ዝክሳዬ፥ ጮይሰታ እችምን የካ እጅድባብ ማትሰቶ አነረ ግምዘንከሰታ እችምን የካ እች የም ዝክሳዬ።

22 ኮናና ኮም ይይንተካ ጮይሰም ቀምሰሰተሮቶ? ዋታ ክታዘንካ ሰግሶ ዛብዶቶ?

23 ሙዳ ርና ይምድን ግንዳ ጋይምቴ። ኬዛር ማቼ ሙዳ ርና መያዬ፤ ሙዳ ርና ይምድን ግንዳ ጋይምቴ፤ ኬዛር ማቼ ሙዳ ርና አርንዝዳክዬ።

24 ዋልቃ ዋልቃ ኤድና አብንከሰተረ መይነተን ገቅርጋካ ዳት ይነታ ማታ መይድንደትም ዐክ ዐይዝጋ።

25 የነታ ገቅርናርንካ አምድን ዐእርን ዐልእስሰቶ ዐምንመረ ጋባር ሰነርድንደትም ዋህ ዐኤራከት ዶቆ እችከቴ።

26 “ፍጨኬ ኮታዘን ዶቅድሪ ሙዳ ጮይሰቴ”።

27 አሜን ማታክን ኤድ የም ኤልሳንዳማቼኬ የ አይሴ የካንታ አምምድን ዐምንመረ እችምን የነታ ገቅርንዘንካ አምድንደትም ዐእርንም ዐልእስሰቶ ዐኤራክሳ እችከቴ።

28 ኬዛር ማቼ ዋልቃ ኤድ “ኮና ዋሄና ጮይሰ ማታክባብከሰካንታ ካሲምሳንዴ” የም ጋይሴ ኮም ኬዝባብ ኤችንጎከ የነታ ገቅርን ጎካ ዋሄንም ዐይ እቸቴ።

29 ገቅርዬ እ የካንታ ጋይድንዳ ኤችንታ ገቅርን እስታ ጋይነታ ዳት የነታ ገቅርን እስታ ጋይነታ ካዬ፤

ይና አብ ኤታ ገቅርታ ጎግካ እስታ ባዛካይሳ ዶቅንትንዘን ፋረድንደና ዐረተረ?

30 እታ ሳብም ጋለተርቶ እ እቻንማቼ ሳብም እ ጋለድን ሪንካ ዐረተሰ ከዘምዳ?

31 ይና የ እጅድንከረ ማታ የ ዎጭድንካ እነረ ዐረሰነረ ር የ ይድንካ ሙዳ ርንመረ ሳብታ ቦንቻካንታ ይከቴ።

32 አይሁድንም ማቼረ፤ አይሁድ ማታክባብከሰመረ፤ ሳብተረ ምክሰ ኤሄንም ማቼረ፤ ዐይመነረ ዐይ ጎሄርሰቴ።

33 እታ ሙድነረ ከት አቅድንግንዳ አብንከሰታ መይነተን ዳት እስታ ማታ መይድንደትም ዘጋክትዶቆ ኤድም ሙዳ እ ይድን ር ሙድንካ እ ጉርምዝድንደትግንዳ የተረ ኮትኮግንዳ ይከቴ።

11

1 እታ ክርሰቶሰም እ ካምድንደትግንዳ የተረ እም ካምከቴ።

ሳብም ጎይነርድንደታ ዎጋ

2 ሙዳዐይካ እም የ ገቅርድንኦልኬ እ የካንታ እምሳን ዎገን ኡርሰት የ የጃንኦል እታ የም አንጅድቴ።

3 ኬዛር ማቼ እኝና ሙደንታ ዱረና ክርስቶስ፥ ማነታ ዱረና እኝ፥ ክርስቶስታ ዱረና ሳብ ባቤና ማትንተንሞ የ ኤስተርንግንዳ ሶልሞድ።

4 ይነታ ማተንሞ ጉተርሶ ሞግዝድባብ እነረ ቤሪታ ቃለን ኬዝድባብ እኝና ሙደና ይነታ ማተንሞ የለርዝዴ።

5 ኮትኮግንደረ ይነታ ማተን ዘከራክዶቆ ሞግዝድንዳ እነረ ቤሪ ቃለንሞ ኬዝድንዳ ማነና ማነንታ ዘን ገችታ ኤራ ዶቅድባብ እኝነንሞ የለርዝዴ፥ ይነታ ማተን ዘከርዳክንዳ ማነና ይነታ ማተን ሞከርሳንደትግንዳ ፋይድሞዴ።

6 ማና ይነታ ማተን ዘከርዳክንዳ ማቼ ይነታ ማተን ኮት ተቸራ፥ ኬዛር ማቼ ይነታ ማተን ተቸርናንከረ እነረ ሞክር ኮትሞ የለርዝድንዳ ር ማቼ ይነታ ማተን ኮት ዘከራ።

7 እኝና ሳብታ ካምንተኬ ሳብታ ቦንቸና ክታዘን ዐፈርድንዳ ማቻንኦል ይነታ ማተን ጉተር ክትሞ ዝክሳዬ፥ ማና ማቼ እኝነታ ቦንቹ።

8 ማና እኝነዝንካ ዐፈርሳ ዳት እኝና ማነዘንካ ዐፈራክዬ።

9 ኮትኮግንደረ ማና እኝናካንታ ፍዝሞሳዳት እኝና ማና ካንታ ፍዝማክዬ።

10 ኮጎኬ ክታይንችንጎከረ ማና ገችታ ኤራ ቃዉተንታ ጎያር ማቻን ይነታ ማተን ዘከርድንደትካ ኮት ዘከራ።

11 ጮይሰያር ዋንታ ዶቅድን ዶቅንተንካ ማና እኝና ካይሳ ዶቃዬ፥ እኝነረ ማና ካይሳ ዶቃዬ።

12 ማና እኝነዝንካ ዐፈርሳንግንዳ ኮትኮግንደረ እኝና እጥሞድንደና ማና ዘንከ፥ ኬዛር ማቼ እኝነረ ማታ ማነረ እብ ሪነረ ሙዳ ዐፈርድንዳ ሳብዘንኬ።

13 ይና የንታ ማተን ፋረድከቴ፥ ማና ይነታ ማተን ዘከራክዶቆ ሳብደር ኮታ ሞክሰና ዝግዝድንዶ?

14 እኝና ይነታ ማተን ጋጽዚድንዳ ማቼ ኦሰንዝድንዳ ክታዘን ማትንተን ፍዝርና ይነታ ማታርንካ የሞ ኤሰዘዳ ካዮ?

15 ማና ማቼ ማታ ኮትካንታ እምሞሳንዳ ይነታ ማተን ኮት ዘከርድን ግንዳ ማቻንኦል ማተን ይነታ ኮት ጋጽሴረ ኮትካንታ ቦንቹ።

16 ኮጎካ ቤርሞ ዝግድባብ ኤድ ዶቅሴ ዋተረ ማትሶ እነረ እብንከሰ ሳብታ ዐክዐክ ሞክሰ ኤሄናር እሜንድባብከሰ ኮዘንካ ዐክ መጣ ዋንታ ካዬ።

ክርስቶስታ ደእንም ገብርዝድንዳ ዋጋ

(ማቶ. 26:26-29፤ ማር. 14:22-25፤ ሉቃ. 22:14-20)

17 የሳንሞድንደትካ የ ይድንዳ ዳቅል ዳት ኡርማሪ ማታክንኦል ታ እ የም እምድን ኤስሰንካ የም እንጃይቲ።

18 ሙደንዘንካ እሪ ምክሰ ኤሄናር የ ሳንሞድንደት ዐይካ የንታዎክያር ፋሰም ደቅንተን ኤስርትቲ፤ እ ኤስርሳንደረ ርና ባንግና ዶፈን ማትንተን አመንድቲ።

19 ዶፈን ማቶባብከሰ ዐይክሰ ናንከረ ፋሰምሰኮ ኬት ኤስምድንግንዳ የንታ ዎክያር ፋሰም ደቅንተና ነግማይንዴ።

20 ዋልቃትቼካ የሳንሞድንደትካ የ እጅድንደና ክርስቶስታ ደእንም ገብርዝድንዳ ካዬ።

21 እጅደቶ ዋልቃባብ አብንም ካርሳክደቆ ይንተንም ይንት እጅዴ፤ ኮግንደካ ዋልቃባብ ዳቀርድንካ አብና ጎዘዴ።

22 ይና የ እጅድንደትኬ የ ዎጭድንዳ ኤሀ የንታ ካዮ? እነረ ሳብታ ምክሰ ኤሄንም ቶቶተረቲ? እና ዐረጎረ ካየንባብ ማጠርሰባብከሰም የለርሰተረቲ? ይና ዐረስ የም ጋይቲ? ኮሪንታ እታ የም እንጅትቶ? ቦድሶ የም እንጃይቲ!

23 ጮይሰዘንካ እ ተያንደትኬ የካንተረ እ ሰክሰት እምሳንዳ ኤስሰና ኮኔ፤ ጮይሰ ይንታ ማተን ሰክሰት እምሳን ሶይትንካ ባልሰንም አምሴ።

24 ጋለት ምክሰን ምክሰሶ አሰትዮ “ይኤቴ እቶከቲ ኮና የካንታ ማድንዳ እሰታ ዋሄ፤ ኮትኮም እም የም ገብርዝድንደትም ማሰሰከቲ” ጋይሴ።

25 ኮትኮግንደረ ሶይት እቶምንታ ቡር ኡፍተንካ ዎጭምን እምሰትዮ “ናኮና ኡፍተናር ዎጭምና እሰታ ማቀሰንካ ማድንዳ ክላ ጫቄ፤ የ ዎጭድንደት ዐይካ ሙዳ ኮትኮም እም የም ገብርዝድንደትም ማሰከቲ” ጋይሴ።

26 ኮትኮም ባልሰን የ እጅድንደትከ ኮትኮመረ ኡፍተናርንካ ዎጭምን የ ዎጭድንደትዐይካ ሙዳ ጮይሰ ዐተርፖ የለልታ ክታ ደእንም ኬዘተረቲ።

27 ዐየንረ ኤድ ዝግዝድንዳ ማታክንጎግካ ጮይሰንታ ደእን ገብርዝድን ባልሰን ክት እቼኬ ኡፍተናርንካ ዎጭምን ክት ዋጮ፤ ጮይሰታ ዋሄንምኬ ማቀሰን ይንታ ቶክሰሰንካ ኖ ኦይሰምዴ።

28 ኮ ኦላር ዐየሰነረ ኤድ ኮም ባልሰን ይ እጅተርንደተኬ ኮትኮመረ ኡፍተናርንካ ዋጭምን ይ ዋጭተርንደታ እሪ ይንታ ማተንም ገቅር ክትም ዝግዝዳ።

29 ዐየሰነረ ኤድ ጮይሰታ ዋሄና ዐራ ናነረ ፋሰት ኤሳክዶቆ ጮይሰታ ደእን ገቅርዝድን ባልሰን ክት እቻንዳ ማቼኬ ኡፍተናርንካ ክት ዋጮ ይንታ ማተንዘን ፍርደንም ተይዐዴ።

30 የንታ ዋክያርንካ በድንከሰ ጋፍሰባብከሰኬ ሰቀርሰባከሰ ዋልቃ ዋልቀንከሰረ ደእሰባብከሰ ኮ ጎኬ።

31 ዋንታ ማተንዘን ዋ ፋረታ ናና ዋንታዘን ፋረድምተራክዶቆ።

32 ኬዛር ማቼ ኦክሰ ፍጫ ሙደንካ ክክን ዋ ካያባብካይሳ ጮይሰ ታ ዋም ፋረደር ዋጭዴ።

33 ኮካንታ እስታ እስመንከሰኬ ምቕንንከሶ! ክርሰቶሰታ ደእን ገቅርዝድን እጅምንካንታ የ ሳንምድንደት ዐይካ ሙደና ዐተርንካ ካርሰምከቲ።

34 የንታ ሳንምና ፍርዳካንታ ማተራክንግንዳ የንታ ዋክያርንካ ይም ዳቅሰባብ ኤድ ዶቅሴ ይንታ ኤር ክት እቻ። ነገዳን ሪንካንታ እታ ኮታር ዐድሰቶ የካንታ የ ጎርሰምድን ህግ ጉጅሶ እምትቲ።

12

እያናር እምንተንከሰ

1 እስታ እስመንከሰኬ ምቕንንከሶ ይና ታ እያን ጭልንታ እምንተንከሰም የ ኤስተርንግንዳ ዝግድቲ።

2 እይሁድማታክሳ የ ዐቃንደታካ የ ኤዘዳክንርካ ጎርሰምሰቶ ኬዛካንታ ማዳክን ጮይሰ ማታክን ጎይንከዝደር የ አይድ ዐቃን ኤዘድቲ።

3 ኮካንታ ሳብታ እያንካ ጎርሰምሶ የሱሰም ባድባብ ዐየነረ ካዬ። ኮትኮግንደረ እያን ጭልንካ ጎርሰምሶ ማታክንዳ ማቼ “የሱሰ ጮይሰዬ!” ጋይድባብ ዐየነረ ካየንደትም እታ የካንታ ኬዘድቲ።

4 ዐከ ዐከ እያን ጭልንታ እምንተንከሰ ዶቅደኬ። እያን ጭልና ማቼ ዋልቂ።

5 ዐከ ዐከ ፍክሰንከሰረ ዶቅዴ። ጮይሰ ማቼ ዋልቂ።

6 ዐከ ዐከ ፍክሰንከሰረ ዶቅዴ። ኬዛርንካ ማቼ ሙደንም ይድባብ ዋልቃ ሳብዬ።

7 ዋልቃ ዋልቃባብካንታ እያን ጭልንም መያ ማሰታ እምንተን እምድንዳ ሙደንም መይድንግንዴ።

8 እያን ጭልና ዋልቃ ኤድካንታ ኤጨካ ኬዘርድንደታ ኤረን እምዴ፥ አብ ኤድ ካንተረ ጉጅሶ ናኮና እያንና ኤሰካ ኬዘታ ኤረን እምዴ።

9 ናኮና ዋልቃ እያንና ዋልቃባብካንታ አሜንን እምዴ፥ አብንካንተረ ፋችታ እምንተን እምዴ።

10 ኮትኮጎንደረ ዋልቃባብካንታ አተንም ይይንተታ ዋልቃ እምዴ፥ አብንካንታ ቤርታ ቃለን ኬዘታ ኤረን እምዴ፥ አብንካንታ ጉጅሶ እምንተንከሰ እያን ጭልንዘንካ ማትንተን እነረ ዳቅል እያንንከዘንካ ማትንተን ፋሰት ኤሰንተታ ኤረንም እምዴ፥ ኮግንደረ ዋልቃንካንተረ ዐክ ዐክ አፈንከሰካ ኬዘንታ ኤረንም እምዴ፥ አብንካንተረ ጉጅሶ ዐክ ዐክ አፈንከሰካ ከዝምሳንደትም ቡልታ ኤረንም እምዴ። *

11 ማታጋካ ዳት ኮም ሙዳ ይድንዳ ናኮና ዋልቃ እያን ጭልኔ፥ እያን ጭልና እምንተንም ይ ጋይሳንግንዳ ዋልቃ ዋልቃ ኤድንካንታ ካሰሮ እምዴ።

ዋልቃዘንዘን ዐክ ዐክ ሱከንከሰ

12 ዋልቃ ኤታ ዘንዘን በድ ሱከንከሰ ዶቅደኬ፥ ዘንታ ሱከንከሰ በድ ማትሶ ከትዶቅድንካ ኬት ዐፈርድንዳ ኮትኮ ዋልቃ ዘንዘኔ። ኮትኮግንደረ ክርሰቶሰታ ዘንዘን በድ ሱከንከሰ ዶቅድንደትግንዳ ዋልቃ ዘኔ።

13 አይሁድንከሰ ዎ ማቶንከረ አይሁድ ማታክባብ ኤድንከሰ ዎ ማቼረ፥ አይላንከሰ ዎ ማቼረ፥ ባዛካይሳ ኤድንከሰ ዎ ማቼረ፥ ዋልቃዘና ማትካንታ እያን ጭልንካ ሰኤርቶቴ፥ ዎታ ሙደነረ ኮትኮ ዋልቃን እያንንዘንካ ዎጭቶቴ።

14 ዋልቃዘና ፈዝምሳንዳ በድ ሱከንከዘንካ ዳት ዋልቃ ዘንታ ሱከዘንካ ዐክ ካዬ!

15 ዴት “እታ እን እ ማታክንካንታ ዘንታ ሱካ ካይቴ!” ጋይሴ ይና ኩን ይንታ ጋይንተንካ ዘንታ ሱካ ማትንተና ነገዶ?

16 ቃመረ “እታ አፍይ እ ማታክንካንታ ዘንታ ሱካ ካይቴ” ጋይሴ፥ ይና፥ ኩን ይንታ ጋይንተንካ ዘንታ ሱካ ማትንተና ነገዶ?

17 ዋልቃ ዘንና ሙዳ አፍይ ዐክ ማቼሰና ናና ዐረኮክ ኤሰረረዳ? ዋልቃ ዘንና ሙዳ ቃም ዐክ ማቼሰናና ዐረኮክ ዋሰርዳ?

* 12:10 ቃለና ሳብታ ቃለን ቡል እነረ ጫረርሳ ኬዜ። (ሮማ 12:6 ስትካ)

12:11 ሮማ 12:6-8።

12:12 ሮማ 12:4-5።

18 ታ ማቼ ሳብ ይ ዝግዛንግንዳ ዋልቃ ዋልቀን ዘነነታ ሱከን ዘነነታዋር ዝግዛድን ካሪ የድሶ ዐፈርድን ግንዳ ፍዜ።

19 ሙድንከሰረ ዋልቃ ሱካ ዐክ ማቼስ ናና ኤታ ኤደትቶና ዐስ ይሶክ ኤሰምዳ!

20 ታ ማቼ በድ ዘነነታ ሱከንከሰ ኬት ዶቅሰረ ዘነና ማቼ ዋልቃ ዐክዬ።

21 እፍይ እንም “የና እካንታ ዝግዛዳከዬ!” ጋይዳክዬ፥ ቃደነረ ዱትም “የና እካንታ ዝግዛዳከዬ!” ጋይዳክዬ፥

22 ኮትግንደረ እንድር ጋፍሰባብከሰ ካምሶ ዐፈርድባብከሰ ዘነነታ ሱከንከሰ ሰግሰሶ ዝግዛድባብከሰ።

23 ቶክም ቦንቻ ዶቅድባብከሰ ካምሶ ዋካንታ ዐፈርድባብከሰ ዘነነታ ሱከንከሰ ሰግሰሶ ቦንቻ ከትካንታ እምዶቴ፥ ሰድንካንታ ኦሰንዝድባብከሰ ካምሶ ዋካንታ ዐፈርድባብከሰ ዘነነታ ሱከንከሰ ሰክሰሶ ቦንቻ እምሶቶ ካርሰምዶቴ፥

24 የረየር ዐፈርድባብከሰ ዘነነታ ሱከንከሰ ማቼ ኮና ሙዳ ከትካንታ ዝክሳዬ፥ ሳብ ማቼ ሰድንካንታ ኦሰንዝድባብከሰ ካምሶ ዋካንታ ዐፈርድባብከሰ ዘነነታ ሱከንከሰም ሰገድንቦንቹካ ኬት የድምድንግንዳ ይይሶ ዘነነታ ሱከንከሰም የቶቴ።

25 ኮመረ ይሰባብ ዘነነታ ሱከንከሰታ ዋክያር ፋሰም ዶቃክናና ክክ ክክ ኬት ገቀርድን ግንዴ።

26 ዋልቃ ዘነነታ ሱከና ማጠርድንካ ኦብንከሰረ ዘነነታ ሱከንከሰ ሙዶና የካ ማጠርደኬ፥ ዋልቀና ዘነነታ ሱከና ቦንቶምድንካ ኦብንከሰረ ኤደትቹንታ ሱከንከሰ የካ ክክን ጉርምደኬ።

27 የተረ ክርሰቶሰታ ዘነቴ፥ የታ ዋልቃ ዋልቀነረ ክታ ዘነነታ ሱከንከሰቴ።

28 ኮካንታ ሳብ ዋልቃ ዋልቃ ኤድ ምክሰ ኤሄናር ዐክ ዐክ ፍክሰ ዶቅድንግንዳ ይይቴ፥ ኮግንደካ እሪምሶ ኦይትምሰባብከሰም፥ ቃሰትምሰ ሳብዘነካ ኤሰርሶ ኬዝድባብከሰም፥ ማክምሰ ኤሰንባብከሰም ዶርቴ። ኮታዘነከረ ኦቴንም ፍግዝድባብከሰም፥ ኮታዘነከረ ዐክ ዐክ ፋቶታ እምንታ ዶቅድባብከሰም፥ ኤድንከሰም ኦላካንታ እምንታ ዶቅድባብከሰም፥ ገቶንባብከሰምኬ ዐክ ዐክ ኦፊካ ኬዝድባብ ኤድንከሰም ማሰቴ።

29 ሙደነረ ኦይትምሰባብከሶ? ሙደነረ ሳብዘንካ ኤስርሶ ከዝድባብከሶ? ሙደነረ ኤስሰንባከሰኩ? ሙደነረ አተንም ፍግዝድባብከሰኩ?

30 ሙደነረ ዐክ ዐክ ፋችታ እምንታ ደቅድባብከሰኩ? ሙደነረ ዐክ ዐክ አፈካ ኬዘታ ኤራ ኬታ ደቅዶ? ሙደነረ ዐክ ዐክ አፈካ ከዝምሳንደትም ቡልካንታ ኬታ ኤራ ደቅዶ?

31 ኮካንታ እንድር ሰገድንደትም እምንተንከሰም ዐፍካንታ ዝከቲ።

ታ ጉጅሰረ ሙደንዘንካ ሰገድንደትም ጎግ የካንታ ሰጅድቲ።

13

ዶፊን ሶልማ

1 ኤድከረ ማታ ክታይንችታ አፈካ ኬዘታ ኤራ እሰታ ደቅሰረ ዋራ ሶልማ እሰታ ካያ ማቼ ኦልድን ሉልንግንደኬ ዋረን ግንዳ ማድቲ።

2 ቤር ኬዘታ እምንታ እሰታ ደቅሰረ አችምሳንደትመረ ሙዳ እ ኤዝዴ፥ ኤስረ ሙዳ እሰታ ደቅሴ፥ ገቼንም ዋልቃ ካርዘንካ አብ ካርዘን ሰርዝድንዳ አመነረ ሙዳ እሰታ ደቅሴ ሶልማ እሰታ ካያ ማቼ እም መይዳክዬ።

3 እሰታ ደቅድንደትም ሙዳ ሪካየንባብከሰካንታ እ ካሴ፥ እሰታ ዋሄነረ ዋራ ነጋክናና ኖሄካ አተርድንግንዳ ሰግሰት እ እምሴ፥ ሶልማ እሰታ ካያ ማቼ ዐረሰነረ እም መያዬ። *

4 ሶልማ ዳንዳእሰዝዴ፥ ሶልማ ኡርመንም ይይዴ፥ ሶልማ ቀምዝድባብ ማሰሳዬ፥ ሶልማ ደቅድባብ ኤድ ጋይራዬ፥ ሶልማ ደቅድባብ ኤድ ኦትራዬ፥

5 ሶልማ ዋጋካያባብ ማሰሳዬ፥ ሶልማ ደቅድባብ ኤድ ይንታ ማታ መይድንደትም ዐክ ዝጋዬ፥ ሶልማ ደቅድባብ ኤድ ማጥራዬ፥ ሶልማ ደቅድባብ ኤድ ይም ዳቀልሰሪ ዳቀልሰን ዳቀልሰግንዳ ፍይዳዬ፥

6 ሶልማ ደቅድባብ ኤድ ዶፊን ማቻን ሪካ ጉርምዳ ዳት ገታ ማታክንሪካ ጉርማዬ፥

7 ሶልማ ደቅድባብ ኤድ ሙደንም ጋምዴ፥ ሙደንተረ ዘን አመንምዴ፥ ሙደንተረዘን ጉርምዴ፥ ሙዳ ሪከረ ዳቅዴ።

13:2 ማቶ. 17:20፤ 21:21፤ ማር. 11:23። * 13:3 ኖሄካ አተርድንግንዳጋይድንደትም ኤና እር ንከሰ ጨቅካንታ ማቻንደትም ጋይደኬ።

8 ሶልማ ደቅድባብ ኤድ ሙዳዐይከረ ዋቻዬ፥ ቤርንም ኬዝድንደታ እምንተና ሰገዴ፥ ዐክ ዐክ አፈካ ኬዘታ ኤረና ሰገዴ፥ ኤሳ ማቼረ ሰገዴ።

9 ዋ ኤዝድንዳ ማቼረ ቤር ዋከዝድንደረ ፋሰሴ።

10 ኬዛርንካ ማቼ ቦድማ ማቻን ር ዐድንካ ፋሰም ማቻን ሪና ነገዴ።

11 ኤና ይንቶ ደቅድቶ ይንቶገንዳ ኬዛዐቃቱ፥ ይንቶገንዳ ገቅራዐቃቱ፥ ይንቶገንዳ መርምድ ዐቃቱ፥ እ ጋጽሳንደታ ቡር ማቼ እስታ ይንቶ ገቅርን ዛቅሳቱ።

12 ታ ማሰታታሪ ዋ ሰድንገንዳ ዳልዳል ጋይድንካ ሰዶቱ፥ ኮታይካ ማቼ መያ ሰዶቱ፥ ታ እ ኤዝድንዳ ፋሰሜ፥ ኮታይካ ማቼ ሳብ እም ኤዝድንደትከካ ሙዳ ኤሳ እስታ ደቅተራ።

13 ይና አሜን፥ ጉርም፥ ሶልማ፥ ኬና ማከንና ዳቅሶ ደቅተረኬ፥ ኬዛር ማቼ ከትኬናከሰታ ዋክያርንካ ሰግድንዳ ሶልሜ።

14

ዐክ ዐክ አፈንከሰካ ኬዘኬ ቤር ኬዘታ እምንተንከሰ

1 ይና ሶልመንም ጎርሰምከቱ፥ እያን ጭልንታ እምንተንከሰም ሰግሰሰረ ቤርንም ኬዘታ እምንተን ዛብሶ ዝከቱ።

2 ዐክ ዐክ አፈንከሰካ ኬዝድባብ ሳብካንታ ዳት ኤድ ካንታ ኬዛዬ፥ አቻ ማቻን ሪ እያን ጭልንታ ዋልቀካ ኬዝድን ኦል ክት ኬዝድንደትም ቃለን ኤዝድባብ ካዬ።

3 ቤርንም ኬዝድባብ ማቼ አብን አመንናር ዋይሰካንታ፥ ዛብሰካንተኬ ዳቅሰካንታ ኤድንከሰካንታ ኬዘዴ።

4 ዐክ ዐክ አፈንከሰካ ኬዝድባብ ኤድ ይንታ ማተንም ዐክ አመንናር ዋይሰዘዴ፥ ቤርን ኬዝድባብ ማቼ አሜንድባብከሰም አመንናር ዋይሰዘዴ።

5 የታ ሙደነረ ዐክ ዐክ አፈንከሰካ የከዝዳ ናና እታ ሶልምድትዶቆ፥ ሰግ እ ሶልምድንዳ ማቼ ቤርንም የ ከዘደሰና፥ አሜንድባብከሰ አሜንካ ዛብድንገንዳ ዐክ ዐክ አፈንከሰካ ከዝምሳንደትም ቡልድባብ ካያማቼ፥ ዐክ ዐክ አፈንከሰካ ኬዝድባብ ኤድዘንካ ሰግሰሶ ቤርንም ኬዝድባብ ኤድ ሰገዴ።

6 ይና እስታ እሰመንከሰኬ ምቹነንከሶ! የንደር እ ዐድንደትዐይካ ዐክ ዐክ አፈንከሰካ ከዘርቶ እ ዐዳናንካ ዐርሰ የም መይዳ? ሰግሰሶ ሳብታ አቶምሳንደትም መይምሰን፥ ኤሰንም፥ ቤር ኬዘንም፥ ኤሰሰን የካንታ የድሰቶ እ ዐዳናና የም መይድቱ።

7 እንዳላገነደኬ ሶንግ ግንዳ ዶቅድባብከሰ ሰንገ ካየንባብከሰ ይግታ ሪኒከሰ ዋራ ዐክ ኡፍሰታ የችይ ኬታ ካየንዳ ማቼ ኬት እምድንዳ ይግነታ ኡፍሰና ዐራ ኮት ማቼረ ዐስግንድክ ኤሰምዳ?

8 ኤሰምዳክን ኡፍሰካ ፍቻ ፋግምሴ፥ ዳምካንታ ዐይ ግግምዳ?

9 ኮትኮግነደረ የታ የንታ አፈንካ የ ከዘምድንካ መያ ማቻን ኬዘንም የ ከዘክንዳ ማቼ የ ኬዘድንደትም ዐይ ኤዘዳ? ዘጋ ካንታ ኬዘድባብግንዳ ማተረቱ።

10 ፍጫሙደንዘን በድ አፈንከሰ ዶቅደኬ፥ ቡል ካየንዳ እፋ ካዬ።

11 ይና እታ ኬዘምድን አፈንታ ቡልን እ ኤሳይንዳ ማቼ ኬዘድባብ ኤድንካንታ ሶች ማድቱ፥ ኖየረ እካንታ ሶች ማዴ።

12 የተረ እያን ጭልንታ እምንተንከሰም ዛብሶ የ ዝግድን ኦል ሰግ ዝግ የም ዝግዘድንዳ እሚንድባብከሰ እሚንካ ዛብድንደትም እምንተንከሰ የካንታ በድንግንዴ።

13 ኮካንታ ዐክ ዐክ አፈንከሰካ ኬዘድን ኤድ ቡልተረ ኤራ ክታ ዶቅተርንግንዳ ክት ምክሳ።

14 ዐክ ዐክ አፈንከሰካ እ ምግዘደ እሰታ እያንና ምግዘዳ ዳት እሰታ ማክቼና ኮታር ካዬ።

15 ይና ዐራ እም ይ ዝግዘዳ? እሰታ እያንንካ ምግዘድት፥ እሰታ ማክቼንከረ እና ምግዘድቱ፥ እሰታ እያንካ የችንም የጅድቱ፥ እሰታ ማክቼንካ እና የችንም የጅድቱ።

16 ኩን ማታክንዳ ማቼ የና እያንካ ሳብም የሰ ጋለድንካ፥ የሰ ጋይድንደትም ኤዘዳክባብ ሶች ኤድ የሰታ ጋለትንታ ምክሰን “እምንኤ” ጋይካንታ ዐስግንድክ ማዳ?

17 ገታ የሰ እምሳን ጋለትንኬ ምክሰንካ ኡርመኬ፥ ኬዛር ማቼ አብ ኤድና ኮትካ ዋእዬ።

18 እታ የ ሙደንዘንካ ሰግ ዐክ ዐክ አፈንከሰካ እ ከዘድንካ ሳብም ጋለድቱ።

19 ኬዛር ማቼ ዐክ ዐክ አፈንከሰካ በድ ሳኤካ ፋይድምድን ኬዘንከሰም ከዘዘንካ ሰግሰሶ አብንከሰም ኤሰሰካንታ ጋይሰቶ ምክሰ ኤሄናር ኤድንከሰካንታ ዶንቅ ኤሰምድን አፈካ ኬዘንም እሰታ ማክቼንካ ኬዛ ሶልምድቱ።

20 እሰታ እሰመንከሰኬ ምችንከሰሶ! ዳቅል ሪ ካንታ ይንች ማትከቱ ዳት የንታ ገቅርንካ ይንችግንዳ ዐይማተቱ፥ ሰግሰሰረ የንታ ገቅርንካ ኡሰባብ ማትከቱ።

21 ኮነረ

“ ‘ዐክ ዐክ እፈንከሰካ ከዘድን ኤድንከሰኪ

ፋለንባብ ኤድንከሰታ እፈካ ኮ ዋርሰንካንታ ኬዘድቴ፤

ኮና ማችንከረ እም ኤሰራየኬ’ ጋይዴ ጮይሰ ሳብና”
ጋይምሶ ህግ ማጻፍናር ጻፍሞቴ።

22 ኮካንታ ዐክ ዐክ እፈንከሰካ ኬዛ ቃዉታ ማድንደና
እሜንዳክን ኤድንከሰካንታ ዳት እሜንድን ኤድንከሰካንታ
ካዬ፤ ቤር ቃለንም ኬዛ ማቼ ቃዉታ ማድንዳ እሜንድን
ኤድንከሰካንታ ዳት እሜንዳክን ኤድንከሰካንታ ካዬ።

23 እሜንድባብከሰ ሳንምድንደት ዐይካ ዋልቃ ዋልቃባብ
እሜንድባብ ዐክ ዐክ እፈንከሰካ ኬት ኬዘ ኤዘዳክባብከሰ
ናነረ እሜንዳክን ኤድንከሰ ዐድሶ ኬዘድባብከሰም “ኬና
ኤድንከሰ ኤየርተኬ” ኬትም ጋያየ።

24 ኬዛር ማቼ ዋልቃ ዋልቃባብ ቤር ኬዘንም ኬት ኬዘ
እሜንዳክባብ እነረ ኤዘዳክን ኤድ ዐድሶ ይ ኤሰርድን ቃለንካ
ሙዳ አተርዴ፤ ኮትኮግንደረ ይ ኤሰርድን ቃለንካ ሙዳ ጎማባብ
ይንታ ማትንተንካ ፋረድምዴ።

25 ክታ ቡዳር እችምሳን ሪና መያ ማዴ፤ ይንታ ባለንከረ ጉፕን
ጋይሶ “ገታ ሳብ ዋንታ ዋክያሬ!” ጋይንተካ ሳብካንታ ጎዘዴ።

ምክሰ ኤሄናር ዶቅ ዝግዝድን ዋጋ

26 እሰታ እሰመንከሰኪ ምችንከሶ! ይና ዐሰ ይ ዝግዝዳ?
ምክሰካንታ የ ሳንምድናይካ የንታርንካ ዋልቀና የችይ የጀድንደታ
እምንታ ክታ ዶቅዴ፤ አብና ኤሰሰታ እምንታ ክታ ዶቅዴ፤ ዋልቀና
አቻር ማቻን ሪም መያ ማሰታ እምንታ ክታ ዶቅዴ፤ ዋልቀና
ዐክ ዐክ እፈንከሰካ ኬዘታ እምንታ ክታ ዶቅዴ፤ አብና ቡልታ
እምንታ ክታ ዶቅዴ። ይና ኮና ሙዳ እምንተና እሜንድባብከሰም
እሜንካ ዛብሲዚድንዳ ማት ዝግዝዴ።

27 ዐክ ዐክ እፈንከሰካ ኬዘድባብከሰ ዶቅሴ ቃሰተን ናንከረ
በጅን ማቼ ማከን ማትሶ ዋልቃባብ ኬዜ ዋልቃባብ ኬዛ፤ ከት
ከዘድንደትመረ አብ ኤድ ቡላ።

28 ቡልድባብ ካያ ማቼ ዐክ ዐክ እፈንከሰካ ኬዘድባብከሰ
ኤድ ሳንምሶ ከዝምድንዘን ጫምን ክት ጋያ፤ ይንታ ማታ
ካንተኬ ሳብካንታ ዐክ ክት ኬዛ።

29 ቤርን ኬዘድባብከስ ቃሰተን ናንከረ ማከን ማትሶ ከት ኬዛ፡ አብንከስ ማቼ ከዘሞሳንደትም ኤስርሰኮ ኤግዘምካ ፋሰት ኬት ሰዳ።

30 ሳንሞሶ ኬዘዘን ዶቅድባብ አብ ኤድ ዋልቀረ ለምለም ጋይሶ ክትካንታ ዐረፈረ፡ እርንባብ ከዘንባብ ጫምን ክት ጋያ።

31 ዋልቃ ዋልቃባብ ኤስተርንግንደክ ዳቅተርንግንዳ የታ ሙደነረ ዋልቃባብ ኬዜ ዋልቃባብ ካርሰሰቶ ሳብታ ክተንም ኬዛካንታ ማደቱ።

32 ሳብዘንካ ኤስርሶ ኬዛቅባብከስታ ቤር እያንና ሳብዘንካ ኤስርሶ ከዘድባብከስካንታ ቆልምዴ።

33 ሳብ ሳራትቹታ ጮይሰ ዳት አዉለታ ጮይሰ ካዬ፡ ዐክ ዐክ ምክስ ኤሄናር ሙዳ ይይምድንዳ ኮኔ።

34 እሜንድባብከስ ሳንምድንደታር ማነንከስ ጫምን ጋያ፡ ህግና ክድንደትግንዳ ኬት ክትምድንደት ግንዳ ዳት ኬት ኬዘድንግንዳ ክትካንታ ጋይማክዬ።

35 ዋልቃ ዋልቃ ሪም ኤስ ይ ዝግዴ ይንታ ክእስንከስም ኤር ኬት ኦይሳ፡ ምክስታ ሳንምሳንደትዐይዳ ማና ኬዘድንግንዳ ዝግዘድንዳ ካዬ።

36 ይና ሳብታ ቃለና ዐላንዳ የንደርኮ? እነረ ሳብታ ቃለና የልሳንዳ የንደር ዐክዮ?

37 እታ ሳብዘንካ ኤስርሶ ከዘድባብቲ እነረ እያናር እምንተና እስታ ዶቅዴ ጋይድን ኤድ ዶቅሴ ኮና እ የካንታ ጸፍሳንዳ ጮይሰታ ክታ ማትንተን ክት ኤሳ።

38 ኮም ኤዘዳክባብ ዶቅሴ ኖየረ ዐይ ኤስማ።

39 ኮካንታ እስታ እስመንከሰኬ ምቕነንከሶ! ቤርንም ኬዛካንታ ዛብሶ ዝከቲ፡ ዐክ ዐክ አፈንከሰካ ኬዘንመረ ዐይማረቲ።

40 ኬዛር ማቼ ሙደና ዝግዘድንግንደኬ ዋጋ ዶቅድንዳ ማታ።

15

ክርስቶስታ ደእያርንካ እምና

1 ታ ጉጅሶ እስታ እስመንከሰኬ ምቕነንከሶ! እ የም ኤስሳን ክላ ኬዘንታ ቃለን የም ገቀርሰካንታ ዝግድቲ፡ ና ኮነረ ክላ ኬዘንታ ቃለና የ ተያንደትኬ ዳቅሶ የ ዎእሳንደኔ።

2 እ የም ኤሰሳን ክላ ኬዘንታ ቃለን ምትሳ የ የጄ ክርስቶሳር አቅተረቱ፤ ኩን ማታክንዳ ማቼ የአሜንሳንዳ ዉች ኩኔ።

3 እ ተያንደትም ኤና እርንደትዘንካ ደቅድን ርን የካንታ ሰክሳቱ፤ እ የካንታ ሰክሳንደረ ርና ጭል ማጻፍንከሳር ጻፍምሳን ግንዳ ክርስቶስ ዋንታ ጎመንካንታ ደእሴ።

4 ዱከርሴ፤ ጭል ማጻፍንከሳር ጻፍምሳን ግንደረ ማክምሰ ሰጩንካ ደእናርንካ እምሴ ጋይድንዴ።

5 ኖ ጴጥሮሰካንታ ዐረፈርሴ፤ ኮታ ቡረረ ታመከኬ ቃሰተን ኦይትምሰባብከሰካንታ ዐረፈርሴ፤

6 ደንቅ ጨተዘንካ ሰገድን ክታ ካርንካ ጎርሰምድባብከሰካንተረ ዋልቃዱት ከትካንታ ዐረፈርሴ፤ ከታርንከረ በድንከሰ ታ የለልታ ሰምፔካ ደቅደኬ፤ ዋልቃ ዋልቀንከሰ ማቼ ደእተኬ።

7 ከተረ ቡር ያይቆብ ካንታ ዐረፈርሴ፤ ኦይትምሰባብ ሙደንከሰካንተረ ዐረፈርሴ።

8 በእንታዘነረ እ ፋጭማ ግንደንካንታ ዐረፈርሴ።

9 እታ ሳብታ ምክሰ ኤሄናር ኤድንከሰም ዳይሰባብ እ ማቻንኦል ኦይትምሰባብከሰ ሙደናርንካ እታ ቶክሰባብኬ ኦይትምሰባብረ ጋይምሶ ኤልም እም ዝግዝዳክባብቱ።

10 ኬዛርካ ማቼ እታ ታ እ ማቻንደትም ማትሰቶ እ ዐረፈርድንዳ ሳብታ ዉች እምንተንኬ፤ እካንታ እምምሳንደረ ሳብታ ዉች እምንተና አፍካይሳ ነጋክዬ፤ ኮትግንደረ አብንከዘንካ ሰግሶ ፍክሰንካ ጋፍትቱ፤ ኬዛር ማቼ ኮም ይሳንዳ እንካ ክክን ደቅድንዳ ሳብታ ዉች እምንተና ዳት እታ ካይቱ።

11 ይና እተረ ማታ ከተረ ዋ ኤሰዝድንደና ኮትኮሜ፤ የተረ የ አሜንሳንዳ ኮትሜቱ።

ኤድንከሰታ ደእናርንካ እምንተና

12 ኬዛርካ ማቼ ክርስቶስ ደእናርንካ እምሳንግንዳ ዋ ኤሰዝድንዳ ማቼ የንታ ዋርንካ ዋልቃ ዋልቀንከሰ ደእናርንካ እምንታ ካዬ ዐስግንደክ ጋይዳ?

13 ደእሰባብከሰ እማይንዳ ማቼ ክርስቶስ ደእናርንካ አማክ ጋይንትዬ፤

15:3 ኢሳ. 53:5-12። 15:4 የቺ 16:8-10፤ ማቶ. 12:40፤ ኦይት. ፍ. 2:24-32። 15:5 ማቶ. 28:16-17፤ ማር. 16:14፤ ሉቃ. 24:34፤ የሀ. 20:19። 15:8 ኦይት. ፍ. 9:3-6። 15:9 ኦይት. ፍ. 8:3።

14 ክርስቶስ ደእናርንካ እማክንዳ ማቼ ዋንታ ኤስሰነረ ማታ የንተረ እሜንና ዉቕኩን ማዴ፥

15 ጉጅሰረ ሳብ ክርስቶስም ደእናርንካ ክትም እምሰቲ ጋይሶቶ ዋንታ ኤስሰንካ ካርከካ ሳብዘን ማርከርድባብከሰ ማቶቲ ጋይንትዬ፥ ይና ደእሰባብ ኤድንከሰ ደእናርንካ ክት እማክ ማቼ ሳብ ክርስቶስም ደእናርንካ እምሳክዬ ጋይንትዬ።

16 ደእሰባብ ኤድንከሰ ደእናርንካ እማክንዳ ማቼ ክርስቶስረ ደእናርንካ እማክ ጋይንትዬ።

17 ክርስቶስ ደእናርንካ እማክንዳ ማቼ የንታ እሜንና ዉቕዬ፥ እክ የንታ ጎመናር ዶቅተረት ጋይንትዬ፥

18 ኮትኮግንደረ ክርስቶስካ እሜንሶ ደእሰባብከሰ ካይተከ ጋይንትዬ፥

19 ክርስቶስካ ጉርም ዋ ይድንዳ ኮ ፍጫሙደንዘን ዐክ ማቼ ኤድ ሙደንዘንካ ሰግ አብና ዋካንታ አተርድንግንዳ ይሰዘድባብ ማዶቲ።

20 ኬዛር ማቼ ክርስቶስ ደእእሰባብከሰካንታ ደእናርንካ እምንተንካ ዳነዝ ማትሶ ገታ ደእናርንካ ኖ እምቲ።

21 ደእ ዐዳንዳ ዋልቃ ኤች አዳምጎካ ማቻንግንዳ ደእናርንካ እምንተነረ ዐድንደረ ዋልቀን ኤችን ክርስቶስጎኬ።

22 አዳምጎካ ኤድ ሙደና ደእድንደትግንዳ ኮትኮግንደረ ክርስቶስጎካ ኤድ ሙደና ሰንጅም ዐብዴ።

23 ኮነረ ማድንዳ ዋልቃ ዋልቀንባብካንታ የችንግንዴ፥ ክርስቶስ ደእናርንካ እምንተንታ እርናና ካምሰ ማቲ፥ ክርስቶስ ማት ክት ዐድንደትዐይካ ክታ ማችባብከሰ እምደኬ።

24 ኮታዘንከረ ኖ ይ ቆልድንደትምከ ገችታ ኤረን እነረ ዋልቀንም ሙዳ ካይሰሶ ባንችምን ሳብ ባቤንካንታ ክት እምድንደትዐይካ ኮ ፍጫሙደንታ በእንታ ማዴ።

25 ሳብ ክታ ይምኤንባብከሰም ሙዳ ክታ ገችንታ ኤረንታ ጎይናር ክትካንታ ይተርን የለልታ ክርስቶስም ባንችም ዝግዘዴ።

26 ጋመርሶ በእንተዘን ካይድን ይምኤንባብና ደእዬ።

27 “ሳብ ሙዳ ርም ክርስቶስታ ገችንታ ኤረንታ ጎያር ማሰቲ” ጋይምድንዳ ጸፍምቲ፥ ኬዛር ማቼ “ሙዳ ርና ክታ ገችንታ ኤረንታ ጎያር ማቲ” ጋይምድንካ ሙዳ ርም ክታ ገችንታ ኤረንታ ጎይናር ይሰባብ ሳብ ባቤንም ጉጃዬ።

28 ሙዳ ርና ክርስቶስታ ገችታ ኤረንታ ጎይናር ማቻንደታ ቡር ሳብ ባብቤና ሙደንካ ማድንግንዳ ይንችና ይንታ ማታርንካ ሙዳ ርሞ ክታ ገችንታ ኤረንታ ጎይናር ይሰሰባብ ሳብ ባቤንታ ገችንታ ኤረንታ ጎይናር ማዴ።

29 ይና ደእሰባብ ኤድንከሰ ከት እምዳክንዳ ማቼ ደእሰባብ ኤድንከሰካንታ ሰኤርድባብከሰ ሙደንታ ሰጥመና ዐራ? ደእሰባብ ኤድንከሰ ቦድሶ ከት እማይ ማቼ ኤድንከሰ ከታ ካርያር ዐረተክ ሰኤርዳ?

30 ዋታ ማቼረ ሙዳ ሳዓትንካ ማጣካንታ መያ ማተሮቶ ዋ ደቅድንዳ ዐረተረ?

31 እስታ እስመንከሰኬ ሞቕንከሶ! እም ሙዳዐይካ ደእ እንካ ማሰምዴ፣ ኮመረ የካንታ እ ኬዘድንዳ ዋንታ ጮይሰን የሱሰ ክርስቶስካ የንታዘን እስታ ደቅድንዳ ጨቅና ገታ ማቻንካንቲ።

32 ኤታ ገቅርግንዳ እታ ኤፊሶን ካተመናር ባችርካ ክክን እስታ ጉርንታ እም መይድንዳ ዐራ? ደእሰባብከሰ ደእያርንካ ከት እማይ ማቼ “ሰናካ ዋ ደእድን ኦል ኮረቲ እቸርተሬ፣ ዋጨርተረ” ጋይምሳንግንዳ ማዴ።

33 ዐይገሰሙቲ፥ “ዳቅል ላኮይትና ኡርማ እዘን ባችዘዴ”።

34 ቡደካ ማትከቲ፥ ጎመንመረ ዐይ ፍክሰቲ፥ የንታ ዋክያር ዋልቃ ዋልቀንከሰ ሳብም ኤዘዳክባብከሰ ደቅደኬ። ኮመረ እ ጋይድንዳ የ ኦስንተርን ግንዳ ጋይሰቲ።

ደእናርንካ እምሳን ዘንንካ

35 ዋልቃ ኤድ “ደእሰባብ ኤድንከሰ ደእናርንካ እምድንዳ ዐስግንደረ? ደእናርንካ ከት እምድንካ ከታ ደቅድንዳ ዘነና ዐረሞክ ካምዳ?” ጋይሶ ኦይዝዳ ማተረ።

36 የና ዳቸኖ! የሰ ማዘድን እሰና ደእክ ማቼ ባቀልሶ ጋጽ ካንታ ማታዬ።

37 የና ማዘደዮ ዘርግ ናንከረ እብ እስንታ እፍ ዋልቀንደትም ዐክ ማዘደይ ዳት ባቀልሶ ዉድንደትም ሙዳ ካዬ።

38 ሳብ ማቸ ማሰንካንታ ይ ዝግዛንግንዳ ዘንንም እምዴ፥ ዋልቃ ዋልቃ ማሰንካንተረ ዐክ ዐክ ዘንን እምዴ።

39 ዋሀ ሙደና ዋልቀም ካምድንዳ ካዬ፥ ኤታ ዋሂረ ዋልቀም ካምዴ፥ መሄንከሰታ ዋሂና ዐክዬ፥ እፍትንከሰታ ዋሂነረ ዐክዬ፥ ሞለታ ዋሂነረ ዐክዬ።

40 ኮትኮግንደረ ጭላርንደታ ዘና ዶቅዴ፡ ፍጫ ዘንደተረ ዘና ዶቅዴ፡ ኬዛር ማቼ ጭለዘን ዘነንታ ቦንቸና ዋልቃ ክክ ካምዴ፡ ፍጫዘን ዘነንታ ቦንቸና ዐክ ዐክዬ።

41 ዐይይንታ ሳክሰንታ ቦንቸና ዋልቁ፡ እርፈንንታ ሳክሰታ ቦንቸና ዐክዬ፡ ቤዘንከሰተረ ሳክሰንታ ቦንቸና እና ዐክዬ፡ ዋልቃ ቤዝና እብ ቤዘንዘንካ ዐክ ቦንቻ ኮታ ዶቅዴ።

42 ደእናርንካ እምድን ኤድንከሰታ ይተና ኮትኮም ካምዴ፡ ካይድንዳ ደእድን ዘና ማትሶ ማሰምሳንዳ ካይዳክንዳ ሰለንካ ዶቅድን ዘና ማትሶ እምዴ።

43 ቶቕምካ ማሰምሳንዳ ቦንቹካ እምዴ፡ ጋፍሳንዳ ካምሶ ማሰምሳንዳ ዋልቀካ ማትሶ እምዴ፡

44 ኮ ዋሂንታ ዘና ማትሶ ማሰምሳንደና እያንታ ዘና ማትሶ እምዴ። ዋሂታ ዘና ዶቅሳንካ እያንንታ ዘነነረ ዶቅዴ።

45 ኮካንታ “እርንባብ ኤችን አዳም ሰምፔካ ዶቅድባብ ፍዝር ኖ ማቼ” ጋይምሶ ጸፍምቴ፡ ቡርንባብ አዳም ኖረ ክርሰቶስ ማቼ ሰንፔንም እምድባብ እያን ማቼ።

46 ኬዛር ማቼ እርናና ዐድባብ ዋሂክንባብ ዳት እያንክባብ ካዬ፡ እያንክባብ ማትሶ ዐድባብ ዋሂክንባብታ ቡርዬ።

47 እርንባብ ኤች አዳም ክት ፍዝምሳንዳ ፍጫዘንካ ማቻንኦል ፍጫትንባቤ፡ ቃሰትምስ ኤችና ዐዳንዳ ጭላርንኬ።

48 ፍጫዘንካ ማቻባብከሰ ፍጫዘንካ ፍዝምሰባብግንደከ፡ ጭለዘንካ ማቻባብከሰ ጭላርንካ ዐድባብግንደኬ።

49 ፍጫንዘንባብ ኤችንታ ካምንተን ዋ ካምድንደትግንዳ ጭላናርንባብ ኤችንታ ካምንተን ዋታ ካምዶቴ።

50 እሰታ እሰመንንከሰኬ ምቕንንከሰ! እ የም ኬዝድንዳ ኮኔ፡ ዋሂከ ማቀሰካ ሳብታ ባንቕምን ተይዳክዬ፡ ኮትኮግንደረ ካይድንዳ ደእድን ዘነና ካይዳክን ሰለንካ ዶቅድን ዘነን ተይዳክዬ።

51 ይና፡ ዋልቃ እቕምሳንደትም የካንታ ኬዝድቴ። ዋታ ሙደነረ ደእዳኮቴ፡ ኬዛር ማቼ ዋታ ሙደነረ ኦክምዶቴ።

52 ዋ ኦክምድንደረ በእንተንታ ፍቼና ፋግምድንዐይካ እፍታ ይፍቺ ግንዳ ዋልቃ ዱቴ። ፍቼና ፋግምዴ፡ ደእሰባብ ኤድንከሰረ ካይዳክን ሰለንካ ዶቅድባብከሰ ማትሰኮ እምደኬ፡ ዋተረ ኦክምዶቴ።

53 ኮና ካይድንዳ ካይዳክንደትም ኮነረ ደእድንዳ ደእዳክንደትም ቆብር ዝግዝዳ።

54 ኮና ካይድንዳ ካይዳክንደትም ኮነረ ደእድንዳ ደእዳክንደትም ቆበርድንደት ዐይካ “ደእታ ዋልቀና ጋመርሴ!” ጋይምሶ ጸፍሞሳንዳ ቦድምዴ።

55 ኮትኮግንደረ፤
“ደእዮ! ጋምንተና የሰታ ዐብረረ?
ደእዮ! ኤድም የሰ ኡፈልዝድንዳ ዋልቀና ዐብረረ?”
ጋይምቴ።

56 ደእታ እክነንዳ ዋልቀና ጎመዘንኬ፥ ጎመተረ ዋልቀና ህግዬ።

57 ኬዛርንካ ማቼ ዋንታ ጮይሰን የሱሰ ክርሰቶሰጎካ ጋምንተንም ዋካንታ እምድባብ ሳብካንታ ጋለትና ማታጋካ!

58 ኮካንታ ሶልምምሰባብ እሰታ እሰመንከሰኬ ምቕነንከሶ! ዳቅሶ ዋእከቴ፥ ዐራ ርከረ ዐይ ጭጨተ፥ ጮይሰታ ፍክሰንጎካ የ ጋብድንዳ ዉቕኩን ማታክንደትም ኤሰሰቶ፥ ዛቃከትዶቆ ሙዳዐይካ ጮይሰታ ፍክሰንም ፍክሰካንታ ዳእከቴ።

16

የሩሳሌማር አሜንድባብከሰካንታ አለታ ሳንሰርሳን ብራ

1 አሜንድባብከሰካንታ ይይምድን ብረታ ዉቕን ጌለትያ ፍጨናር ዐክ ዐክ ምክሰ ኤሄንካንታ እ እምሳን ህግንግንዳ የተረ ኮትግንዳ ይከቴ።

2 እ ዐድንደት-ዐይካ ብረታ ዉቕን ይይምዳክንግንዳ ሳምንት ሳምንት ዋጋይካ የንታርንካ ዋልቃ ዋልቀና ይ ዐብድንደትከካ ዉቕር ዐክ ክት ዋዳ።

3 እታ የንደር እ ዐድንደት ዐይካ የታ የ እድባብ ኤድንከሰ የ ዉቕሳን ብረን የድሰኮ የሩሳሌም ከት አይድንግንዳ ጸፈርሳንደትካ ክክን ከትም ኦይድቴ።

4 እሰተረ አይንተና ዝግዝድንዳ ኮት ማቼ፥ እንካ የካ አይደኬ።

ጳውሎስታ ገቅርንከሰ

5 መቅዶንያ ፍጨናር ጎካ አይካንታ እ ገቀርሳንኦል ኮትካ ሰግድቶ ዋልቃ ኮትካ የንደር ዐድቴ።

6 እ ኦይድን ዐዎን ካርናረረ እሱታ ጎግ ካንታ ማድንደትም አሌንም እካንታ የ አልተርንግንዳ ጋየርቶ ዐረንግርካ የንደር እ ደቅድንዳ ማቼ በርግንም የንካ ክክን ሰግዝድት ማተሬ።

7 ታ ሰገርቶ ጎግንኮትካ የም ሰድካንታ ዝጋይቲ። ጮይሰታ ጋይተና ማቼ በድ ሰጫ የንካ ክክን ደቅካንታ ጉርምድቲ።

8 ኬዛር ማቼ ጸንጣቆሰጠ ባኦልን የለልታ ኤፈሶን ካተመናር ደቅድቲ።

9 በድ ፍክሰ ደቅድንዳ ሳክማ ፍልታ እካንታ ፎችምቲ። እም ግርድባብከሰ ማቼ በድንከሰኬ።

10 ጠማቶሰ የንደር ዐድንዐይካ ኦይምካይሳ የንካ ክክን ክት ደቅድንግንዳ አሌን አልከቲ። ኖየረ እግንዳ ጮይሰታ ፍክሰንም ፍግዝዳ።

11 ኮካንታ ዐየነረ ክትም ዐይቶቻ። ኖ እሰመን ከሰካክክን እዘደር ዐድንግንዳ እ ክትም ካርዝድንካንታ እዘደር ሳራትቼካ ማት ዐድንግንዳ ክታ ጎግታ ማድንደትም አልከቲ።

12 ዋንታ እሰመና አጽሎሰ ኡብ እሰመንከሰካ ክክን የም ከት ሰድንግንዳ ኡርሰት ምክሰትት ዶቆ። ኬዛር ማቼ ኖ ታ የንደር ዐድካንታ ኤእክዬ። ይም ኡርሳን ማቼ ዐተሬ።

በእንታ ዞረከ ሳራትቶ

13 ንከቲ። አሜንካ ዳቅሶ ዋእከቲ። ዛብከቲ። ዳቅማ ኤድ ማትከቲ።

14 የ ይድንደትም ሙዳ ሶልመካ ይከቲ።

15 እሱታ እሰመንከሰኬ ምቕንንከሶ! እሰጥፋኖሰታ ኤሀኤድ አካያ ፍጫር እርንባብ አሜንድባብከሰ ማቻንግንደኬ አሜንድባብከሰካንታ ፍክሰካንታ ከታ ይንታ ማተንም ሰክሰተኮ ከት እምሳንደትም የታ ኤዘደቲ።

16 ከት ከናከሰግንዳ ደቅድባብ ኤድንከሰኬ ከትከረ ክክን ፍክሰንካ ጋብድባብከሰካንታ ሙዳ የ ክትምድንግንዳ ኡርሰት የም ገቀርዝድቲ።

17 እሰጥፋኖሰኬ ፈርዶናጦሰ አካይቆሰረ እዘደር ኬታ ዐድንተና እም ጉርምሰቲ። የታ እንካ ክክን የ ዐፈራክንደና ኬታ የንታ ካርያር እሱታ ዞገርሳንደትም ጮችተኬ።

18 ኬታ እሱታ አያንንኬ የንተረ አያንን ኡክንሰቲ። ኮካንታ ከትኬናከሰግንዳ ደቅድባብ ኤድንከሰም ኤሰከቲ።

16:8 ለዊ. 23:15-21፤ ካሬ. 16:9-11። 16:9 ኦይት. ፍ. 19:8-10።

16:10 1 ቆሮ. 4:17። 16:15 1 ቆሮ. 1:16።

19 እስያ ፍጨናር ዶቅድባብ ዐክ ዐክ ምክስ ኤሄና የም አቦ አቦ ጋይተኬ፥ አቅለክ ጽርሰቅለክ፥ ከታ ኤሄናረረ ሳንምድባብ አሜንድባብከስ ሙደና ቡዳርንካ የም አቦ አቦ ጮይሰንታ ላምንካ ጋይተኬ።

20 ካሪ ዶቅድባብ አሜንድባብከስ ሙደና አቦ አቦ የም ጋይደኬ፥ ዶፈን ማቻንደትካ ሶንቅመረቶ አቦ አቦ ክክ ጋይከቴ።

21 እታ ጳውሎስ ኮም አቦ አቦ ጋይንትን እስታ ገታ እንካ የካንታ ጸፍትቴ።

22 ጮይሰም ሶልምዳክባብ ዶቅሴ ባድምሰባብ ማታ! ዋንታ ጮይሰኖ፥ ዐትካ!*

23 ጮይሰ የሱሰታ ዉች እምንተና የንካ ክክን ማታ።

24 እስታ ሶልመና የሱስ ክርሰቶሰካ የ ሙደንካ ክክን ማታ፥ አምን ኤ።

16:19 እይት. ፍ. 18:2።
አፈንካ ማራ ናታ ጋይዴ።

*

16:22 ዋንታ ጮይሰኖ ዐትካ ጋይድንዳ ግርክ

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab